


南海百詠續編



瀋陽樊昆吾著

南海百詠續編

華陽卓景瀛題

維桑與梓幸垂恭敬之文某  
水某邱用識釣游之地而况  
事關家國義繫綱常迹合幽  
明典兼文獻者乎此吾友樊  
子昆吾續方孚著南海百詠

所以為必傳之作也 昆吾  
鐵嶺世家穗城老宿詩探五  
際學貫九流以其暇日乃著  
斯編考地志之自為註解見  
於揚銜之洛陽伽藍地志之  
自為詩歌見於迺貫之河

朔訪古是編參其體例加  
以變通句定七言條分八類  
詩必有注註必求詳思古  
賢而憑弔如聞楚些之歌  
撫勝蹟以低徊詎等齊諧  
志神威享祀叢祠猶樹

二

靈旗血戰勲名荒塚僅留  
片碣法門梵教自有傳  
燈香闕幽芳豈無贖土五  
百年之軼事蒐討於蟬  
殘蠹蝕之餘千字衆之精  
魂闡揚於印墨管城之下

而且敘兩藩之克捷羣欽  
昭代之武功表一死之忠貞  
不沒前朝之毅魄尤足以維  
持世教激勵民彝至於高  
臺於北郭石碑鶴尚耿之  
名訪遺構於東皋鐘鼎鑄

三

屬陳之字以及六渠可考  
四井堪稽馬明誤作馬鳴  
黃木譌為黃埔莫不扞誓  
剔蘇錄其文辭窮流溯  
源審其水脈既釋疑而徵信  
六辨偽以存真則此百詠也

洵足為粵志之外篇豈特  
為方待之後後勁已哉出以見  
示屬為弁言披覽兼旬率  
題儷詒道光己酉臘月  
番禺張箴



續南海百詠序

孔子論杞宋謂其文豈不足之  
則能徵之文豈以繫之重如此  
後來爲貴與在此之重若通  
考大抵豈尤重於文豈豈  
而一豈以傳文也昔方學若

撰南海百詠考七言絕句題  
下繫以考訂咸以之親歷庶幾  
文豈足徵粵東方志取以爲依據  
吾友樊昆吾先生號梅渚雅  
於文豈豈遂以續編益方氏  
詳于古昆吾更詳於今于

國初落拓予如汝家珍佳之人  
所求亦如通才不辦也其出視方  
氏體例小變分必蹟遠接伸  
寺道觀神廟祠宇冢墓水  
泉八類各款總提互綱小目  
分附新後并雙以夾注以詳

二

嘗取此示余允地絕美亟  
勸其付手民以公缺出於通令如  
當車馬好及著民言可與合  
之然而此傳以文者款爰叙其  
崖略以并簡端

七十二病出之石黃地書出于



羊城之巖海樓对道光己未  
冬



南海百詠續編目錄

卷一

名蹟

空心樓

觀音巖

靖王府

滇陽峽

金光寓舍

蓮花城

五羊驛

黃木灣

平王馬圈

浮練山

南海百詠續編

目錄

一

靖王馬圈

禺珠岡

移民市

蘿岡洞

鳳皇岡

龍眼洞

石門

菱塘司

遺構

鎮海樓

小東營

拱北樓

海雪堂

賜書樓

洛墅

福地巷

備調軍裝庫

看竹亭

沙地

參卿坊

懷遠驛

鐵局

招安亭

卷二

佛寺

六榕寺

華林寺

戒壇

長壽寺

南海百詠續編

目錄

二

大佛寺

皇華寺

萬善寺

永泰寺

夢覺菴

白雲菴

吉祥菴

景泰寺

五桂菴

海珠寺

檀度菴

海幢寺

慶雲菴

大通寺

雙山寺

海雲寺

西禪寺

懷聖寺

道觀

五仙觀

鄭仙祠

元妙觀

純陽觀

三元宮

安期仙祠

應元宮

離明觀

卷三

神廟

南海百詠續編

目錄

三

北廟

靈應三界廟

張桓侯廟

海龍王廟

龍王廟

東西得勝廟

六燾廟

東山真武廟

惠福祠

東皋武廟

馬王廟

火神廟

藥王廟

祠宇

盧公祠

李

石將軍祠

牛公偶憇祠

何公祠

王都堂祠

楊公祠

忠襄祠

金公祠

陳太保祠

陳公祠

張毛兩尙書祠

峴山祠

吳八相公祠

石大司馬祠

兩太尉祠

南海百詠續編

目錄

四

蔡將軍祠

先鋒廟

石公祠

忠義流芳祠

李威勤祠

愍義祠

卷四

冢墓

君臣冢

皇朝驍騎將軍管良忠墓

教門三忠墓

皇朝游擊將軍孫友明墓

蟻墳

皇朝左翼鎮總兵官班志富墓

明處士施焜然墓

皇朝右翼鎮總兵官 尙之廉墓

皇朝高州鎮總兵官 盧可用墓

皇朝漳州鎮總兵官 張士選墓

皇朝韶州鎮總兵官 田雲龍墓

尙之傑 李天植 等共冢

王姑墳

共冢

皇朝懷遠將軍 董心吾墓

明虎賁將軍王興墓

皇朝驍騎將軍 范士信墓

明太僕寺少卿 霍子衡墓

皇朝誥贈中憲大夫 程僊墓

明禮部員外郎 屈士燦墓

水泉

九眼井

紫姑井

日泉井

蘭湖

弔碑井

紅蓮塘

龍起井

寶石橋

蘇井

果橋

鷄爬井

文溪橋

九龍井

上古橋

南海百詠續編卷一



潘陽樊 封昆吾著

後學李定源本之  
受業馮 健松齋  
受業張正 羣華堂  
姪孫樊 淙聲甫



名蹟

空心樓

在省垣西北隅堅礪峻聳形如犄角灰槽礮眼  
上下密排斜壓西山為西北兩面最要之險汎  
順治庚寅王師恢粵克城奏績處也

南海百詠續編

卷一

一

百道梯衝破郭門內援空盼范承恩登陴莫踏城頭草  
劫火無灰血有痕

順治三年十二月我總兵佟養甲副將李成棟等攻  
克廣州執城主朱聿鏗暨其臣蘇觀生誅之明年撫  
定各郡邑尋 授養甲為總督成棟為提督以安  
輯諸路成棟故降寇時萌怨望五年江西鎮將金聲  
桓叛踞南昌使人通於成棟會肇慶乏餉成棟陰嗾  
諸悍卒誘執養甲而奪其印綬遣人迎明永麻於南  
甯遂據肇慶為行都自進爵惠國公於是廣東復陷  
冬成棟出師援贛州敗歿於信豐永麻以杜永和為  
總督守廣州羅成曜為總兵守韶州其勢頗張六年  
四月調尙耿兩藩於海州五月入 觀改封尙可  
喜為平南王耿仲明為靖南王各統所部配以徵兵  
同取廣東並 諭以奠定之日卽藩守茲土於是

兩王挈眷由天津水路起程九月朔大會徵兵於江甯十一月抵江西平藩駐眷於臨江靖藩駐眷于吉安是月靖王薨於軍世子耿繼茂權領藩事十二月望師次贛州敵將楊傑董洪信悉力守南雄而不設備於庾嶺十八日我師度嶺亥刻游擊陳武奪其東山礮臺官軍三面環攻遂克其城諸將就州城度歲七年正月三日師抵韶州羅成曜先遁州倅許元庸率衆迎降而仁化翁源土兵蜂起或稱賴軍門或號十三營翻天營龍虎營莫不聯墩結堡以抗我軍平藩乃分遣總兵班志富吳進功率騎搜剿逾月始肅清定議兩路取省城兩藩從陸許爾顯領礮械輜重從江二月朔同日並發四日陸路兵抵從化縣令季奕聲出降其人廉明最得民心仍命爲令六日抵省城敵守備頗嚴平藩四察川原謂諸將曰羊城三面阻水可攻者僅西北一隅而東西關廂礮臺木柵林立田塘阻隔馬不得逞惟築長圍以困之一戰可克

南海百詠續編

卷一

二

也乃分屯平王兵於白雲山東靖王兵於白雲山西啓鑪九龍坑鑄礮造攻具復調江西廣德鎮郭虎贛州鎮高進庫九江鎮先啓王各領兵二千來廣分定各郡永麻聞廣被圍遣將來援而陳邦傅之兵泊於清遠馬吉翔之兵駐於三水觀望不前相持數月其城守總兵范承恩通款於我擬決西壕之潞水爲內應然卒無實信也十月礮具皆成三鎮兵亦齊集三十日班志富統前鋒克其西關礮臺盡焚其木柵許爾顯決其土壩濠水漸竭人馬通行無阻十一月朔輦新礮七十六位列於城西北隅之高岡橫亘里許初二黎明燃礮疊擊雉堞全摧午刻城崩數十丈我兵拔蝥先登城上矢石若雨枕尸山積平王方立馬督戰叅將何景貴日暮矣城弗克礮且全失王不身先誰肯舍命耶王乃馳至礮所將士益奮礮聲如雷酉刻城身漸平敵人投火炬以禦我兵衆逡巡間平王揮劍曰敢退者斬驍將孫得才大呼曰王先越



壕城斯克矣。王縱轡逾壕，水及馬腹，既濟，棄馬將登城。萬眾譟呼，肉薄以升。大城乃克，時已二鼓矣。杜永和率其將張月、李建捷、李元允、吳文獻等，開南門航海遁。瓊南生獲范承恩，數其罪誅之。初八日，兩王整旅入城，平藩守東麗譙樓，靖藩守西麗譙樓，查封倉庫，懸榜安民焉。諸將呈俘獲，計得王印一、侯印三、銅關防四十有一，大小礮五百廿二，馬七百六十餘，甲仗無算。此庚寅年十一月初二日克城之始末也。

### 靖王府

在省垣正烈坊，明季之提督行署也。佔地八十畝，有奇制式雄駿，爲闔郡公解之最。今爲鎮粵將軍衙門焉。

南海百詠續編

卷一

三

雕梁畫壁擬臨春，棨戟門蹲白玉麟。六載爲他人作嫁，夥頤誰解羨沉沉。

順治九年，兩藩請於省會適中，營造藩邸。靖王尤驕奢踰制，宅門內僭用九楹，大門前石獸晶瑩若玉，採諸肇慶七星巖，工役無限，大爲民累。高要令楊雍建苦之，尋擢給事中，因疏陳廣東一省不堪兩藩，並建請量移一藩，以蘓民力。疏下，所司議復。十八年，耿繼茂徙鎮福州，是邸遂封閉。康熙元年，尙之孝擢藩下都統，因取爲公署，未幾撤藩。二十年，改爲將軍衙門。術者謂枕鄰六榕浮圖，不利居者。三十四年，將軍拜音達禮以年，覲道出廣信，謁張真人於龍虎山，將乞厭勝之術。甫就坐，有赭衣道人，跌踞楹南，真人謂將軍曰：「虔祈此師，當有神應。」果祈之道，人曰：「宅煞細故，以文字鎮之。」自吉，索紙大書泰山石敢當五字。

末題純陽子書，擲筆而逝。將軍驚謝，真人曰：今日呂祖值殿，公幸遇之，福緣無量也。因奉以還，勒石東廓，與浮圖遙對，闔署貞吉，稱爲仙筆。碑字逾九寸，出入虞褚間。

案尚之孝，平南王庶長子也。幼隨父鎮所，順治十四年宿衛京師。十八年擢平藩下都統，回鎮廣州。康熙十三年撤藩議起，已革平西親王吳三桂反於雲南，四方煽動。四月，潮州鎮總兵官劉進忠叛應之，逆黨陳奠等分踞程鄉鎮平平遠三縣。劉斌踞普甯，海賊鄭經復爲之聲援，東路大擾。八月，之孝統兵進定普甯，斬其酋陳璉等，提督嚴自明亦攻復程鄉三縣。遂合兵趨潮城，十二月克其東津各礮臺，獲僞提督金漢臣，而鄭經之盜艘大至，屯於鳳凰洲。驍賊何左虎營於分水關，進忠守城，彌固相持月餘。會歲暮，官軍退屯普甯。十四年二月，之孝復進攻潮城，賊保鸞母山游擊高亮正以子母礮擊賊營，賊不能支，騎兵復分隊蹂躪賊將奔矣。而之孝張蓋立馬於山巔，以督戰，賊望見爭趨之。之孝奔避，萬賊從而噪呼，官軍敗績，死者萬人。仍退守普甯。六月，上命佩征南大將軍印，規取潮城。屢戰無功，退保惠郡。十五年十月廿九日，平南王薨於廣州，之信遣人至惠州勒取金印，之孝納印綬，返羊城守父制焉。

### 金光寓舍

在省垣古藥洲北，與平郎相隔一垣，前鴻臚寺

卿金光寓舍也。藩府有便門，與光舍可通往來。

撤藩後，界其舍爲二所：一爲撫標中軍叅將署，

一爲旗民同知署。

智順軍中有智囊九天馳語問金光居人骨肉誠難事

奪嫡由來召亂亡

光浙江義烏縣學生明亡流寓京都兩王南征因龔芝麓尙書薦遂爲平藩掌書記多智術通世變左足微蹙藩府呼爲跛金尙王頗倚任之廣東甫定佛山鎮有奸民江鵬翥等謀逆諸將擬剿洗之光不從出奇計縛其渠魁餘黨解散不妄戮一民平王上其功優旨嘉獎授鴻臚寺卿銜藩下人向無考試例王用光之言請藩屬生員得與京旗一體應鄉會試部議從之大城底定之初藩兵牧馬城內踞學舍爲兵房而郡庠尤遭踐踏光倡議修復更捐資製造祭器樂器時界海之禁頗嚴沿海五縣流民失業將聚爲盜光草疏授王爲民請弛海禁雖格於議而時論韙之藩軍藉勢擾民光因番禺紳士邱象升之訴力

南海百詠續編

卷一

五

陳於王前痛懲悍卒罪其首領官十餘人勒厲禁於四城敢有強占人子女入居民屋及豪奪財物者斬無赦廣民從此賴安康熙五年各汛戰船告成分撥將弁按汛操防因慮藩兵滋擾乃勸王設循環簿照會督撫轉發所屬州縣其照帖云凡有投獻莊田逋欠國課窩局賭騙淮折子女以及短價強買酗酒凌人者准地方官鎖拏究辦倘有意縱徇罪同本犯發此簿以憑逐日登記季終具報務令藩丁奉法良善得安田園云云平南鎮粵凡二十有八載光翊贊大都類此世子之信寵而好弄平南起於戎馬不知慎簡師僚以爲訓迪致成狂暴平南恆憤叱欲死而庶子之孝益僞爲恭儉厚結藩屬隱有奪嫡之心光爲平南畫策請解兵柄歸老海州更言世子不肖願將世爵給之孝承襲世子知之恨金光刺骨矣康熙十三年三月望日吳三桂反於雲南六月初三日耿精忠叛於福建平南方臥病之信權府事潛通款僞周

慮光洩其耗遂以毒酒斃光平南蓋不知也觚賸乃謂光媚從世子之所爲凡聚斂病民之舉咸光導之藩府富甲天下光亦富埒王侯不亦冤哉

### 五羊驛

在新城，清水濠湖廣會館南，今爲番禺縣郵驛公所，國初尙之信羈候處也。

裂土擔圭百粵東，爾翁如虎弟如熊，開門坐聽人穿鼻，悽絕城南輔德公。

案國史稿尙之信鑲藍旗漢軍平南親王尙可喜嫡長子也幼隨父鎮所年十九入侍賜一等公爵

### 南海百詠續編

#### 卷一

六

在阿哥所諳達上行走康熙十年奉旨回鎮侍父疾十三年平南王請老部議以藩臣無乞休子襲之例令撤藩回京會吳逆叛詔加可喜親王暫留廣東以備攻剿授之信討逆將軍印規取潮州十五年春平南卧病之信權藩務吳三桂遣人誘使從逆總兵孫楷宗副將趙天元咸受僞秩之信亦受輔德開國公僞印迨平南薨遂奪之孝兵柄陰與海賊鄭經講和三桂脅使出兵抗拒王師之信疑懼賂以庫金十萬兩乃已復與僞親王印之信益不自安使人赴征南將軍珠瑪喇軍求其代奏闔屬悔罪情願立功贖罪狀十六年三桂使賊將董重民爲兩廣總督來謁肇慶謝扶厥爲定海將軍屯踞珠江之信縛二賊獻大軍並上疏反正得旨嘉獎秋吳世琮犯梧州詔之信赴援之信以潮警爲辭不敢出兵而征南將軍之兵旣克韶州疾救梧州之信不具備舟楫致愆軍期有旨切責十七年三

桂伏冥誅之信膽始壯乃疏請進定廣西詔加  
奮武大將軍承襲平南親王爵十八年師次橫州聞  
吳世琮寇南甯退回廣州詭稱就醫以其衆付征南  
將軍莽依圖俄而逆黨范齊陷武宣部檄促其收復  
之信仍遷延觀望至十九年三月聞賊黨已散始統  
隊恢復武宣而以大捷上聞適有部將張士選叩關  
告變事上遣刑部侍郎伊昌阿赴粵查辦四月  
欽差至廣州令藩下叅領李文科齎 敕至武  
宣調之信就鞠之信大恐卽日上疏自辯奉 硃  
批云前張永祥等首告爾諸不法事朕欲明其虛實  
故令爾來京並非以彼言皆實必欲治爾以法也爾  
其安心來京之信俯首就逮及至廣州羈候於五羊  
驛館禁藩屬勿使往來七月將啓程矣忽有藩府長  
史李天植副都統尙之傑等戕殺都統王國棟一案  
巡撫金儁騰章上變奉 旨嚴訊護衛田世雄質  
證無隱詞連之信獄成馳奏得 旨故平南王尙

南海百詠續編

卷一

七

可喜航海歸誠効力行間久鎮粵東著有勞績及吳  
逆反叛堅守臣節不肯從逆爲逆子之信所迫憤恨  
殞命朕每念及深爲憫惻其妻舒氏胡氏從寬免死  
並免籍沒尙之孝尙之璋及諸幼弟免革職枷責皆  
令來京尙之信罪大惡極不忠不孝本當依律處斬  
念其曾受王封姑從寬賜令自盡尙之傑之璜之瑛  
革去副都統與李天植等俱卽處斬其應籍之資財  
留充廣東兵餉是年九月之信賜死於府學名宦祠  
前尙之傑李天植等斬於拱北樓南嗣奉 上諭  
尙之信雖經犯法其妻子不可凌辱可著人護送來  
京向聞廣東有大市小市之利經藩丁霸佔可詳查  
仍還民間其藩庫舊蓄之私稅盡行撥充國賦以佐  
軍需各省商販有投入藩下者應察出以復舊制是  
時藩兵八千餘方討潮州梧州各處多惶惑私逃  
上諭藩兵日平南王藩下官兵本朝參養四十餘  
年世受國恩至爲優厚初無欲行解散之心爾衆宜

釋去嫌疑各保身家以副朕恩養保全之至意尋令  
內大臣尙之孝將藩下舊十五佐領官兵全撤回京  
另調京營八旗漢軍兵三千挈眷赴粵駐守移  
鎮潮將軍王永譽統帶之永資海疆之捍衛焉

### 平王馬圈

在東山前撤藩後地歸番禺縣乾隆初鹽商等  
採其故址建立育嬰堂焉今大東門外所稱駟  
馬岡及馬湟水諸處皆當年牧地禁民不得耕  
種者也

微雨澆春儉草蘓校人星急調生芻廣民恨不爲王馬

南海百詠續編

卷一

八

飽飼香粳戲綠蕪

兩藩戰馬數逾萬匹省垣既定散豢於城中順治十  
年山東藩司胡章調任廣東途次聞已署爲藩卒占  
踞養馬卽疏劾兩王縱兵擾民諸罪狀下部議於是  
廐圈悉徙城外平王之馬豢於東山靖王之馬豢於  
西山近廐三四里內禁民勿得耕種以資牧放嗣因  
粵草鹹苦馬羣不繁乃取遼東草種遍植近郊今東  
校場尙有其萌芽土人呼爲馬鞭  
草卽元世祖宮苑中之示儉草也

### 靖王馬圈

在西山下今西關第一津其草場汎洗馬灘金  
絲灣諸處尙沿用舊名

龍媒東去牧仙霞舊榭新槽委亂沙桑者遂耕無稅地  
不栽春菑種桃花

順治十七年靖王移鎮福建馬廐荒廢居民私墾爲  
場圃菜畦桑落環植天桃春紅遠近不減武陵茗溪  
焉好事者榜其里門曰桃源初無地稅也康熙廿一  
年設立八旗駐防其地圈歸旗境將軍王永譽不欲  
奪民恆產量加薄賦永與管業自桃源迄金絲灣一  
帶咸納旗租每歲右司庫入八十餘兩報部支銷云

### 移民市

在西關第一津國初時番禺縣安插無業蛋民  
於泮塘西村諸處此其貿易之集場也今訛作

南海百詠續編

卷一

九

### 宜民

牽船羣解倣張融澤國迢遙厲禁封蝦菜莫愁無覓處  
披簑權作荔枝農

康熙元年臺逆鄭成功流劫閩廣洋面勾煽沿邊蛋  
民官軍疲於奔命於是界海清野之議興二年侍郎  
科爾坤來粵勘明潮州近洋六廳縣廣州近洋之番  
禺東莞新安香山順德新甯六縣所有沿海蛋民悉  
徙內地一切田園廬舍槩行拆毀地方文武嚴查其  
出入以杜海寇之接濟一時失業者咸聚珠江巡撫  
李士楨乃令各縣分地安置無令失所番禺蛋戶約  
萬人遂擇柳波瀾以及泮塘西村准其結寮棲止此  
輩網耕畧耨不曉耕作惟日售其篙艖以糊口第一  
津前晨夕貿易罔非此輩積久成市漸有居廛市井

因號曰移民市焉事詳於  
里人郭爾尼採蓉橋碑記

### 鳳凰岡

在珠江南近大黃濬口國初稱水軍寮舟師操  
防處也

舞鳳岡西戰船聯身檣錦纜耀晴川被他一夜變風雨

### 傳說孫恩化水仙

兩王定粵收撫海寇周玉李榮其所統之夷船巨編  
及精銳健卒咸歸水師總兵張國勛節制二人以收  
捕微勞亦賞加遊擊銜然狼子野心時出剽掠也至  
界海禁起二人舊巢咸在界外田廬墳墓毀棄無餘

### 南海百詠續編

卷一

十

心不能平口出怨謗平王微知之特調二人之舟屯  
於鳳皇岡前官軍分泊守之二人益心疑康熙二年  
秋巡海差竣詭稱反里遷葬揚帆出口糾合諸流亡  
以請弛海禁爲名駛入省河大焚東順新香諸卡汛  
擄奪餉船及欽差馬船殺江門遊擊張可久遂  
直犯珠江時水師赴剿高廉省河空虛賊勢彌張焚  
掠白艚船客航無算此十月十五日事也十七日東  
犯石龍西攻佛山東西路梗渡船不通大城戒嚴總  
兵班際威乃僱募紅單船分扼要害廿二日戰於纜  
尾官軍失利賊分道四劫廿五日攻陷順德執縣令  
王允張僞諭於縣門自稱恢粵大將軍誘民助逆俄  
而四方赴援之舟師疊至賊亦聚扼珠江平王分調  
諸將水陸夾擊三十日戰於珠江叅將劉文煥遊擊  
薛虎苗英等統礮船迎擊賊少却而叅將劉光宗遊  
擊張有才佐領王運昌分擊其左右草船木筏順風  
縱火賊舟焚燬過半生擒周玉玉母梁氏及僞軍師



林邦輔並奪回縣令王允火斃墜水者無算李榮駕  
漁舫遁去我兵追及大石海口始還次日磔逆黨於  
市珠江乃平李榮之遁也復嘯聚大鵬海口三年四  
月高州凱旋總兵張國勛承王命往討之先擒賊父  
李亨母李黃氏榮佯乞降舟至潭洲復遁去子身洋  
面不知所終迨撤藩之後斯岡遂廢乾隆十九年設  
立軍標水師旗營仍在岡前泊船操防雖無礮臺墩  
堡而形勢所居控扼三江實省垣之外護也嘉慶十  
四年海賊張保寇掠省河七月二日犯黃濬遙見鳳  
岡兵屯嚴整不敢逼及城西掠三山平洲而已廿三  
年大吏徙水師旗營於東礮  
臺閒地有心者不能無憾焉

### 石門

在郡西北三十里雙厓雄峙一水中流由漢迄

明爲戰守必爭之地乾隆之末沙流漸改水多  
阻隔估航市舶改從通濶至省石門遂成僻境  
道光十八年大中丞祁公嘗疏浚之然水不刷  
沙今又阻淺矣

鬼面蒼厓繡錯痕寒濤吹雪漱雲根千春戰地誰來訪

### 紅白花深鎖石門

順治庚寅王師水陸並趨省城正月晦克清遠二月  
朔師次石門明將施焜然列艦截拒我兵焚其舟敵  
人大潰因留戰船守石門以防肇慶之援兵四月我  
守備閔飛虎押運礮船赴省遊擊張大奎帶步軍前

進永麻聞省垣被圍遣將馬寶郭登第統鐵騎趨救與大奎遇於石門我步軍敗潰大奎死焉飛虎方泊對岸畏怯不敢救急乘風抵省城事聞平王數飛虎之罪斬之以徇諸將請剿石門王曰杜永和之援軍方聚石門石門之民敢不助戰乎張大奎死於杜永和死於石門百姓也吾奉辭伐罪以定疆宇而已濫殺何爲衆乃止

### 觀音巖

在英德縣東三十里峭崖插江中有巨洞明以前不見紀載即圖經之湏石山也順治十五年  
總督王國光舟次巖下有禱而應始架棟爲屋

宇鑿大士像於石壁從此遂爲勝境康熙六年  
平南王尙可喜閱師韶州登而瞻禮乃廣置祭  
田增飾佛座而感應尤赫云、

涼颼吹落九天鐘一簇樓臺裏玉容貞珉恐爲雷電取  
洞門常遣守蒼龍

巖內闕黑須秉炬乃可遊平王鑿石以漏天光景物  
遂異厓左有紀事碑其文曰英德上游距縣二十餘  
里懸厓臨江高聳千尺爲觀音巖杳冥陡絕亦一創  
闢奇觀也第驚流急湍艤舟匪易往來者或未得快  
意登眺焉不穀於庚寅之春提師恢粵軍行自陸抵  
省無由物色嗣此一十餘年軍旅匆匆虔晤未遑今

丁未孟春，因瞻禮南華勝跡，順流登覽，展謁金僊大士，見江流清深，垂厓秀琢，天工人巧，誠仙靈之奧窟，幽隱之梯航也。特以地僻人希，資給常苦不足，不穀因招延緇衆，凡香燈之供，廩食之給，不穀源源支給，庶垂之永久。用繇勝觀爾。康熙六年仲春，平南王尙可喜記。碑藏厓際，人無知之者。道光壬辰，予泊舟厓下，搜讀之，錄其文以歸。書法雄偉，不類尙藩他碑。或曰：幕客金光手筆，未可知也。

### 滇陽峽

由省達韶，必歷滇陽三峽。厓峻湍急，役夫牽船三百餘里，攀躋最爲艱辛。宋嘉祐六年，轉運使榮禔始由峽後鑿爲棧道，以通舟楫。明嘉靖四

南海百詠續編

卷一

三

年府判符錫復開通舊徑，以省迂迴。爲山橋十二，以濟纜夫。然山潦衝刷，危險處不遜於武丁左擔也。

一水如刀破險來，鯨牙虎尾信堪哀。是誰啓出羊腸阪，

### 直接南禺帝子臺

明永祿踞肇慶時，屯重兵於大廟峽，鋤斷纜路。以杜我師往來。康熙元年，南甸大定，平王乃修復之。知縣王應華勒石於王城口，以紀厥役。道光五年，總督阮文達復捐修之。增山橋十七處，至溪谷之變更，疊石爲康莊坦途。行者樂之，呼爲阮公棧。云阮公亦有題名碑在盲仔峽口。

附錄王應華碑文曰清遠大廟滇陽三峽居廣韶之交爲嶺南要途而大廟之眠羊獅子滇陽之牛牯尤稱奇險平南王底定粵東之第十有三年乃捐資鑿而平之經始於壬寅年正月落成於本年冬月督役者爲藩下章京吳守德吳廷桂張廷棟胡成章暨長壽寺僧人實行謹勒諸壁以紀月日

### 蓮花城

在郡東百里獅子洋口石礪山之巔奇峯攢翠下瞰虎門爲省會第一重關鍵明萬厯四十年邑紳李維鳳等建塔山巔以爲海舶表望康熙元年界海令下地方大吏築磚城於此以爲稽

南海百詠續編

卷一

十四

### 查重汛號曰蓮花城

滄溟誰解制鼉鼉滿擬舩舫試碧波鐵聚六州成此錯幾時怨口得銷磨

山城建於巡撫王來任駐以水師遊擊譏查蛋船出入復築沿海礮臺八十四座添設木椿水柵百餘處迨海氛靖謐厲禁旣弛是城空廢道光辛丑暎夷禍起當事操之過急次揆琦公思有以羈縻之嘗約其大酋二十三人會話於此城事機旣密訛議沸興於是兵戎頓起爲國之戚後夷航過此猶指顧太息云

### 黃木灣

在郡東波羅江口卽韓昌黎南海神廟碑所稱

扶胥之口黃木之灣是也土語訛爲黃埔爲省  
河要津近爲夷人停泊所矣

黃木灣頭寄畫橈高荷大芋接團焦怪他懈舍春風緊  
鶯粟花開分外嬌

阿芙蓉卽鶯粟漿和砒石而成者也夷人持以流毒  
中原其禍至烈 聖天子仁育萬物欲挽澆風起  
而禁之誠轉移之大機而奸商狃於肥已多方撓亂  
大司馬莆田林公竭盡忠誠卒之鮮濟茲則斬山爲  
屋架樹成村百弊叢生阿芙蓉之毒不止遍布東南已也

### 浮練山

南海百詠續編

卷一

五

在石礪山西與香山之浮虛峯遙遙相對中有  
巖洞天成堂廡老衲架屋棲息雲中雞犬恍同  
世外去巖不半里爲廣善巖境尤幽奧惜僻處  
重洋客航未易問津爾

畫眉高唱白雲堆煙冷松寮客未回蒼壁刺天經雨後  
明明仙篆寫靈雷

山以石礪爲屏蔽外隔獅洋內通溪澗潮田數頃峯  
巒若畫當春陰蔥蔚之時危厓平面隱隱有靈益雷  
三字縱橫逾丈若隸若篆筆畫分明其字作青白色  
與厓色迥別若晴霽視之則無有亦奇跡也孔綸庭

謂肇慶之茶托岡絕壁上現父母兩字字畫間寸草不生此尤奇乾隆間海寇掠邊村人避兵是間曾住千家焉

### 禺珠岡

在郡東三十里危巒扼海控制東江康熙三年沿海添建礮臺此岡爲省河門戶故建臺獨大後廢今岡麓尙有遺址也

水泊虹梁海氣腥陰崖鬼火色晶熒長年指點山橋畔曾覩遙空殞將星

### 南海百詠續編

#### 卷一

六

國初時明故輔陳子壯兵起我師曾於此岡下大破之降其將周玉李榮等子壯走死高明焉嘆夷犯順大吏募土勇環守烏涌琶洲東埔及此岡壘土爲堞囊沙作城以禦敵礮然市人惟怯不足恃也二月蜀帥祥福來領是軍其人身經百戰績著西陲羣稱爲祥老虎者蒞軍之次日夷編犯烏涌村人與壯勇挾嫌爭鬪不戰自潰互相踐踏祥公殉焉時論惜之

### 蘿岡洞

在郡東八十里危峯四拱曲徑通幽中互數十里咸膏腴佳壤煙村星錯皆蒔梅種荔爲業洞內有蘿峯寺玉巖書院冬梅盛開晶玉廿里真

同香雪海粵人多往遊焉

石髮林霏滑馬蹄東原小獵玉巖西風流四鎮歸何晚  
鞍上梅花月裏聲

平王鎮粵每屆隆冬必躬領將卒圍獵於郊坰雖非  
從禽然借以馳驅習勞亦國俗也時藩下有四總兵  
盧可用班際盛田雲龍張國祿最握權要分班列隊  
囊韃乘騎以侍王獵日暮必會於看城烹鮮行酒賞  
梅爲樂今洞內猶有尖屯卡倫故址而  
尙王之放鷹臺里老猶能指其處也

龍眼碕

在郡東三十五里聯岡疊嶂中有巨村由宋至

南海百詠續編

卷一

七

明皆樊姓聚族而居丁齒最繁俗尙武健亦番

禺一大村落也

刺竹驚風吼夜泉炊煙萬竈石城堅村翁偶聚榕根坐

怕說庚寅血戰年

明亡土盜蜂起樊氏築壘自衛沿村浚壕密植刺竹  
雖雀鼠亦不能入復環築石墉啓四門通樵汲糧糗  
足而人武故寇無敢犯之者順治庚寅平王方營於  
東郊敵將杜永和堅壁清野以困我軍我軍乏糧以  
厚值向樊乞糴樊不應且傷邏卒平王怒日吾以厚  
價和買且不迫爾降亦云惠矣今抗頑若此不痛懲  
之何以示威三月朔命總兵許爾顯攻之村人苦鬪  
官軍失利復攜礮四面轟擊而礮丸及竹林輒墜落

百計攻之不能克會霽雨洽旬軍人多死守備張文  
陞日以膏油噴洒其竹乘風縱火其村乃破屠戮頗  
慘輦其積穀三日不能  
盡今石垣之南門尙存

### 菱塘司

番禺之分縣也外洋內河夷夏錯處治境盜案  
至多康熙時有巡檢婁君玉者惠政感民民深  
德之共鑿永賴堂額以懸其廳事至今猶存

反側真宜盡剷除循良深賴得分疏馬蹄夜踏江村路  
比戶琅琅正讀書

### 南海百詠續編

#### 卷一

#### 六

康熙二年周玉李榮焚掠省河菱塘沙灣之蛋民陰  
爲之助事定總兵張國勛叅將劉國保率兵搜捕逆  
黨船泊菱塘居民惶懼司官婁君玉領耆老泥首軍  
門力白助逆者蛋民並非村民也國勛未信將夜覘  
之君玉陰教村民閉戶張燈咸讀書入夜官軍巡查  
而書聲琅琅響徹里門國勛曰此絃歌之鄉安有從  
逆因與父老約協擒助逆之蛋民以歸村民  
賴婁以復生遂鑿永賴堂額以紀慈惠也



遺構

鎮海樓

在粵秀峯巔樓高五重明窗洞啓俯接滄溟爲  
三城雄鎮之表明洪武十三年永嘉侯朱亮祖  
建成化間都御史韓雍嘗修治之後燬於火嘉  
靖十五年提督張經重構遂爲登眺名勝 國  
朝亦兩次修復焉

萬井鶯花曉霽寒瑤窻洞達海天寬監奴易惑丹砂眼

南海百詠續編

卷一

九

特展朱幢亞字欄

省垣兩遭兵燹樓爲灰燼順治七年平王因形家言  
乃修復之旋因樓近王宮禁人登眺設官守之時宮  
人競畜翎鴿其種有紫燕瑄灰東青諸品放之千里  
能一夕來歸遂有放鴿之戲每春秋佳日令監奴携  
鴿至清遠峽山寺放之而插朱幢於樓檻以引鴿歸  
云撤藩後總督李棲鳳益增飾之繚以重垣旁啓月  
瓦上祀文武帝君任人登眺詠觴茗塵遂無虛日新  
城王文簡祭告南海嘗大會名流吟賞竟日榕門相  
國題楹聯云歲登大有人樂春臺覽勝直窮千  
里目海不揚波山皆獻瑞籌邊時上五層樓

拱北樓

在藩署南爲省垣適中之處唐清海軍樓也南

漢時取爲象闕宋稱節度樓至明始有今稱代  
有修輯樓上存貯元人銅壺漏一具晷刻銖黍  
百年不爽官吏司掌晝懸時牌夜擊更柝滿城  
視爲準則焉

玉漏銅龍報曉籌舊時清海大軍樓銀幢鐵柱銷磨盡  
賸此貞金鎮粵州

案漏造於元延祐三年都元帥馬速忽等捐辦凡四  
壺分上下四層位置上三壺底隅皆有細孔以滴水  
筒筭承之以次遞注於箭壺壺中有浮箭隨水之高  
下而浮出水面箭上刊勒時刻分數水與壺平則箭

南海百詠續編

卷一

三

刻亦盡役人於卯初一刻復掬其水於至上之壺又  
別爲一晝夜矣嘗以官尺度之第一壺口圍八尺六  
寸六分徑二尺六分底圍七尺八寸高三尺三寸第  
二壺口圍七尺五寸九分徑二尺二寸底圍六尺八  
寸五分高二尺五寸五分第三壺口圍六尺三寸徑  
一尺九寸一分底圍四尺八寸二分高二尺四寸五  
分第四箭壺口圍四尺四寸五分徑一尺三寸八分  
底圍同高三寸六分上三壺皆有蓋第一壺四周皆  
有欵識字體天邪且糊模不可讀捫認之皆當日官  
斯士者之銜名也明季西人利瑪竇故精於製造儀  
器者也欲仿其  
式無從著手焉

賜書樓

在西城官祿巷明大學士方獻夫尊藏明倫大

典處也文敏不洽於鄉評大典有戾夫清議未  
幾而黃卷成塵紅樓易主矣

大典初刊大獄興神州板蕩此先徵黨人曲筆成私議  
俯首何顏對景陵

樓燬於亂兵撤藩後歸入旗境今爲滿州正紅旗官  
馬圈堂墀柱礎尙多舊物校人嘗獲舊甄背有閣老  
府磚富壽萬年字焉巷後卽閣老府門堂未  
改石坊仍存亦爲正黃正紅旗協領署矣

### 福地巷

在西門擢甲里內明侍講學士倫文敘世居也

南海百詠續編

卷一

三

伯疇父子昆弟俱由儒士擢鼎甲一時榮盛故  
里號擢甲巷名福地焉通衢尙存父子鼎甲坊

鼎甲頻掄世業堂金鍼繡出幾鴛鴦里稱福地同冠蓋  
壁有蓮燈笏半牀

案倫文敘宏治己未科狀元長子以諒正德庚辰科  
探花次子以訓正德丁丑科榜眼文敘官侍讀諒官  
主事訓官祭酒故宅完好其世  
業堂尙存今爲水師佐領公署

### 看竹亭

在西門內詩書街明參議張詡別業也街因詡

得名故宅改爲滿洲鑲白正藍旗協領公署別業半爲佛寺竹亭久圯惟詡之詠竹詩碑尙存武帝祠前字跡依稀可捫也

解籜新篁拂翠煙半窻鶴語不勝圓欲尋孤鳳琅玕塢  
應向仁王古寺前

詡南海人號東所彭韶稱其詩曰此嶺南孤鳳也嘗從白沙遊白沙稱其學近自然所居之別業卽唐代仁王寺故址仁王寺爲嶺表上刹魏校毀之改建紫陽書院所餘西圃詡買爲竹塢築亭居之

### 參卿坊

南海百詠續編

卷一

三

在西門紙行街明南京戶部兵部侍郎黃衷題名坊也摧殘殆盡僅餘兩柱道光初里人稍葺之仍其舊榜曰貳部參卿坊下卽衷故宅

甲第成塵蔓艸封里門猶表少司農行人不識譚天館  
記得齋西樹似龍

衷字子和南海人歷仕有聲嘗卜宅紙行街頗饒隱趣有譚天館綠蔭坪諸構著述甚多今惟海語行世國變後宅爲佐領公署乾隆初裁汰斯秩署遂廢予家世居之屋背老榕廣蔭一畝數百年植也春時萌葉三城卽凍解歷試弗爽

鐵局

內城旗境鐵局有二處一在詩書街一在弔碑井皆兩藩鑄兵局也

沈戈折戟輦仙都纔啓博山四面鑪土借昆侖江借水干將出匣勝風胡

關東冶匠龐秉權者世嫺鼓鑄舊在定南王軍前鑄造紅衣大礮蒙恩肇錫武定大將軍礮名號者也後從征廣東與副將栗養志在九龍坑鑄造有功加都司銜康熙五年在廣州啓局煉造兵仗精利絕倫刀室鞘柄皆作鑿銀團鶴紋今旗庫尚有存焉

南海百詠續編

卷一

小東營

在內城司後街明季四衛回兵行營也成化四年排狴不靖都御史韓雍奏調南京回兵來粵協剿凱撤後加其頭目羽士夫馬黑麻等錦衣衛指揮使職銜留戍廣州建四回營以處之稗珠謂四營僅存小東一營其他三處無從考矣九疇狴蠻議遠征前驅真合借狼兵槃弧旣殪烽煙淨故壘猶存四老營

案成化四年省垣設四衛以處回衆日大東營小東營西營竹筒營朝市雖更然以里名遺址考之可得其概也大東營當是今芳草街東三巷一帶內有蟠龍庵爲正白旗李姓香火院卽當日之禮拜堂也小東營在司後街今尙存清真寺其爲小東無可致疑西營在光孝街內尙名西營巷有武廟一區卽當日回日衙署竹筒營在大北門水關橋前其地俗稱回子營或作鬼子營鬼回一聲之轉耳有最勝總勝兩尼巷亦當日回日公所採訪者似宜知之

### 海雪堂

在衛邊街鄺家祠內明中書舍人鄺露殉節處

也舊有靈異人無敢居之者乾隆初追叙勝國

南海百詠續編

卷一

二

忠貞子以通諡有司祠祀之音響遂寂

寶劍哀鳴鏡有芒天魔古鬼嘯諸房名成海雪騎箕去

正命如斯豈是狂

湛若負天才有清狂名以事走猗碣爲雲驛娘掌書記鼎革時出爲紹武中書舍人丙戌之役與諸將固守省垣城破日爲甲士所獲歸其寓踞坐海雪堂上羅列瑰寶以待甲士殺之其從容就義視彼之假託緇黃偷息草間者未可同年而語矣所蓄之宋理宗琴懷素墨跡千文文丞相硯遂散落人間

### 洛墅

在大東門外元運里明大學士陳子壯園林也

文忠里居廣築精舍浚池爲湖斜跨弓橋置畫  
航於中取唐詩幾度木蘭舟上望不知原是如此  
花身之句題航額曰此花身又嘗署園榜曰虫  
二觀者不曉其義詢之答曰此雅謎也寓風月  
無邊四字耳春秋佳日大集名士歌裾舞扇盛  
於一時

弓樣橋梁扇面池此花身泛碧淪漪風流門榜成千古  
憶香秋墳鬼唱詩

南海百詠續編

卷一

三

文忠里居頗不滿鄉評然負氣豪俠雖當喪亂聲伎  
未嘗不盈於前相傳浚池役竣有鬼題句於壁云掘  
盡千墳作一池不栽花柳種茶蘼他年花落人亡後  
荆棘滿園君自知文忠見而惡之國變後亭池荒蕪  
果符鬼讖而九曲池玉帶橋尙依然無恙也康熙初  
鑲黃旗參領王之蛟取爲別業大修亭館聘嶺南詩  
人陳元孝梁藻亭屈翁山主之立東皋詩社四方投  
簡贈紵者門不停軌遂與南園十先生互相頡頏焉

### 備調軍裝庫

在惠愛坊十約明時左衛指揮署也平藩取爲  
備調軍裝公所總兵許爾顯司其事廢藏所携  
之火器攻具製式奇詭多有未經見者

破被飛灰胖襖存軍需徵索到江村火攻既變孫吳畧  
引炬星繚賴樹根

舊制烏鎗所用火繩率用麻縷間有夾紙者平藩始  
擣榕樹根鬚爲之雖風雨不熄劉進忠之亂軍需煩  
急肇慶應解鉛丸火繩三萬有千總某赴各州縣徵  
取軍裝恃勢恣橫高要令楊雍建縛而撻之千總泣  
懇於將軍王國光光叱之日書生疆項廉吏方剛胡  
可犯也杖千總而疏薦雍建於朝乾隆乙未粵兵調  
征臺逆大營解到火繩有以榕根柔脆爲疑者督臣  
孫補山奏明榕繩經雨不熄之故遂以爲例  
明季戎政廢弛甲仗凋弊冬日大閱兵丁衣甲破壞  
不堪時諺日霜降日迎破被又兵部則例每歲各省  
州縣額徵條銀外有解送京兵胖襖若干件  
應折銀若干兩之款乾隆二十年始奉裁汰

南海百詠續編

卷一

三

### 沙地

在巡撫署後俗呼後樓房廢藩尙之信鷹狗房  
也舊在邸內乾隆二年巡撫王軾因撫署之後  
苑太屬寥廓易藏狐鼠割六十餘畝地以歸有  
司由後樓房以北直抵粵秀山下乃建撫標校  
場一所啓大街里巷共九聽民建屋居處焉而  
鷹狗房故址作兩營兵器庫矣

蟲蟻房聯鷹狗房韓盧小隊佩圓璫羨他飽飯垂頭睡



# 未比神葵四尺彊

平藩喜田獵所蓄鷹狗至多邸內有備辦處四所日  
蟲蟻房養螭蟀蝮蝮秋蟬蜜蜂處也日雀鳥房養鶴  
鶉畫眉白鴿鬪鷄處也日鷹鷂房養海東青及蒼鷄  
麻鷹處也日狗房養關東獵犬及哈巴細狗處也四  
處統於長史各派拜唐阿二十餘人以司豢養之役  
其王阿哥郡主縣君等所飼養者尙不入此四房也  
至之信時尤尙猫狗珍護倍加猫有小姐姐姐之稱  
狗有相公小哥之號日令公監衣錦衫抱之以遊於  
市藩丁藉勢爲奸攫市人之魚肉以飼猫狗則有之  
然邸中並無四尺之葵能啖人者而鈕玉樵之粵觚  
則謂俺達公所蓄之狗縱遊於市行人爲之避道又  
一夕聞狗鬪聲令小宮監往視之小監不敢往俺達  
怒割監之肉以啖狗肉立盡不知  
聞於何處無稽之談不足信也

南海百詠續編

卷一

三

## 懷遠驛

在西關十八舖順治十年暹羅國有番舶至廣  
州表請入貢是年復有荷蘭國夷航至澳門懇  
求進貢時鹽課提舉司白萬舉藩府參將沈上  
達以互市說王遂咨部允行乃修明市舶司故  
館以居貢使而厚給其廩餼以招納遠人焉康  
熙十三年蘓祿國王森列拍遣使三人請受藩  
封於是 頒給駝紐銀印付以時憲一時稱

榮而侏儻白老羣趨乎粵白沈二人因緣爲奸  
夷利開而民俗疲矣

江樓誰解築籌邊禍水生從一掬泉若肯閉關停市舶  
富民自有賣刀錢

中土初無藉於夷貨而關徵市稅國用自饒自永樂  
誤於馬歡招徠夷航而互市閩廣遂爲華民巨患至  
宏治間中官以洋稅蠱惑其君弛金鐵之禁罷淫巧  
之譏凡可以侷利者鮮弗抑從遠人厥後貿易不任  
諸民而持之有司操縱不持之有司而聽諸商人於  
是利源盡在遠夷有司奔命不暇奸民聽彼驅使中  
華之弊於斯爲極誰  
生厲階曷勝浩歎

南海百詠續編

卷一

三

### 招安亭

在香山南門河傍大涌口嘉慶十四年己巳海  
盜乞撫督帥百文敏公命知縣彭昭麟築此亭  
以受盜魁張保鄭一嫂等降百載積寇一朝解  
散而大府不耗鎔銖其豐功偉畧誠不可及粵  
民至今思之愛惜斯亭惟謹

熊虎晴翻大將幢樓船來會紫旗幫廣宣德意寬殊死  
元老登壇始受降

粵故澤國沿邊多盜伊古有之嘉慶乙丑粵東大稜盜船屢出爲患提臣孫全謀撫馭失宜賊內犯省河香山東莞新安順德番禺五縣境無不遭其焚掠時百菊溪督粵思有以解散之十四年十月有白旗幫盜首郭學顯率衆來歸公厚撫之而紅旗幫張保黑旗幫麥友金縱橫海面如故公募有才畧者往覘賊有蜀人周飛熊浙民花東苑者起應募二人往來海上幾半載始得與賊目范皮寶晤會范引周見張保陳說萬端而鄭一嫂始決計降約總督於芙蓉沙會面十五年三月九日公單舸出海保列戰艦三百帆於海口旌旗紜日鎗砲迷江以示兵威公談笑自若與臬使溫承志糧道蘇爾賡竟登賊舟保與一嫂泥首丐命公掖之起親解端罩以衣之出翠艤加其指且日大好相貌不愁不至提鎮也保大悅過望於是擇四月三日來降公預結行帳於大涌賊船大小四百七十餘號泊於天王橋東縣亘十餘里保獻太平

南海百詠續編

卷一

三

餉四十萬械三萬餘器戰船全數難民千六百名翌日公率保等還省騰章代之請罪奉旨難民張保姑免罪賞加守備銜董率舟師速赴高州收捕黑旗幫盜首麥有金卽烏石二等贖罪是年十一月提督童鎮陞總兵黃飛鵬率保衆大破黑旗於洵州生擒巨憝而戮之廣東諸盜悉平保因功加都司銜賞戴花翎後卒於廈門副將是役也文敏出奇計以謀軍儲所有衝要繁缺州縣須有報効始得調署論缺計值或三萬或一萬書之於券然後給札就任如有妄爲卽時更調上下悅服故大役繁興庫帑絲毫未動民間亦無捐輸之累也

南海百詠續編卷二

瀋陽樊 封昆吾著

後學李定源本之  
受業馮 健松齋  
受業張正翬華堂  
姪孫樊 淙聲甫 校刊

佛寺

六榕寺

在西城花塔街梁大同三年曇裕法師於西域求得釋迦舍利奉敕建塔於廣南賜號寶莊嚴唐時王勃嘗撰舍利塔記勒於寺壁宋端拱中

南海百詠續編

卷二

一

大修治之改名淨慧寺後燬於火塔亦傾圮無存元祐五年郡人林修議建復之求其故址不可得夢神告以在子城朝天門外四環有九古井者即塔址也果得之而塔工乃成蘇子瞻謫惠守嘗遊其寺題曰六榕遂有今稱明洪武六年割其寺之半以建永裕倉八年僧道堅乃於塔之東偏另建覺皇殿寺門東向局式卑隘無復堂皇舊制矣咸豐六年七月朔日塔頂為颶

風摧墜闔郡觀瞻所繫經將軍長公與督撫會  
商提動海防經費羨餘銀令旗員督修不十閱  
月工成工堅料實費僅萬餘金焉

堵宰誰燒賽月燈客寮雲散打包僧賜山尙有交龍牒  
紫印泥新作信憑

南漢時上元中秋輒登塔燃燈以兆豐稔號曰賽月  
燈各巷里亦壘瓦爲塔集薪燔之火遍三城亦奇觀  
也至於今其俗尙存萬厯甲寅天啟辛酉其塔於黎  
明前嘗放佛光二次散彩呈輝榮光亘天邑人黃衷  
爲文紀之兩藩入粵寺爲藩下佔踞主僧今湛與平  
南有故力丐於王乃逐軍人而以寺還僧給有券牒

南海百詠續編

卷二

二

面鈐平南王印方廣四寸垂葢古

篆紫泥豔新今藏主僧慶韜處

### 戒壇

在光孝寺後盤福里內劉宋時西僧陀羅三藏  
來粵手創此壇以安梵喙梁天監三年智藥三  
藏寓居之嘗手植菩提樹於壇前預識日後百  
年當有肉身菩薩受戒於此大興佛教於東土  
也唐儀鳳元年六祖大鑿祝髮於樹下躬受衣  
鉢遂大衍南宗於是漸教微而頓教大興矣宋

初稱乾明院又名羅漢院後併入光孝明代仍  
摩爲兩寺東壁有空隱和尚紀事碑叙述頗詳  
智藥禪師大道場訶梨猶放古時香肉身菩薩今安在  
已隔風幡尺五墻

順治庚寅之役王師列礮於西山以攻擊大城寺背  
正當其衝雕甍繡宇悉爲瓦礫場矣底定後左右盡  
屬兵房數尺金龕委擲荒草間總兵班際盛稍爲修  
復而門堂隘陋與山廟叢祠無異矣乾隆中詩人毛  
西贛嘗  
隱其間

### 大佛寺

南海百詠續編

卷二

三

在南城龍藏街卽明代龍藏寺故址後改爲巡  
按行署康熙三年南疆莫謚平南王自捐王俸  
營建茲宇上爲 天子祝釐制式悉仿 京  
師官廟世尊慈範亦摹之北匠云

雌霓翔霄浥麴塵三城适降九重春黃金布地圍龍藏  
顛首南交祝紫宸

順治十四年平南王遣其子之信之孝之廉之隆之  
輔之佐六人赴京宿衛咸授秩任有差之隆以才器  
矜貴奉 旨尙固倫公主晉秩固倫額駙婚禮旣  
成額駙屢請侍主返粵以修省覲禮因寇氛未靖未

遂所請至康熙六年四月 准額駙省親由通河水  
路取道蘇杭以達粵八月朔公主與額駙尙之隆至  
羊城以家人禮謁平王於邸第獻金帛進牲醴有加  
在邸寓居八日以月之十日稟假歸甯平王親送之  
南門外額駙等遂還都是寺卽當年祝 釐淨壇  
也前期建築故至爲莊嚴之隆在都聘請班禪大喇  
嘛四十人同至廣東修四十九日無遮勝會齋醮之  
盛亦近世所希觀今南榮前高碑矗立文字香皇澹  
歸和尙  
筆也

### 萬善寺

在粵秀峯巔明永樂元年都督花英建祀大士  
者綺樹周遭丹梯百級憑欄登眺目極千里殿

南海百詠續編

卷二

四

前有鐵香爐一器徑僅尺許高可四寸周刻十  
二時肖像鑪蓋亦有十二像竅焚香於內歷一  
時則一竅出煙他竅則否蓋法物奇寶也

芙蓉繡錯裊丹梯紫閣琳房日角齊不爲賞春頻躡屐

### 九重天上仰 宸題

道光辛丑癸夷籍經商細故輒敢犯順疆吏撫綏失  
宜四月八日突踞城北礮臺以爲要脅計入旗兵丁  
防禦綦嚴夷酋盛陳攻具疊犯北門礮火矢石密同  
驟雨衆見寺頂有白衣神女披髮戟指以當夷隊礮  
矢甫及雉堞卽墜落無餘夷人駭懼請逆將軍憐而  
撫之以其事聞於朝蒙 恩御書慈祐清海四字

恭懸殿楣以答神庥從此奎光燭斗  
海國澄清瞻仰者咸生歡喜心矣

### 夢覺菴

在西城上古里唐之仁王寺故址順治十五年  
靖藩下總兵徐成功建初成功之弟成名夢見  
三僧來借宿次日有人以銅佛三尊求售其慈  
範宛如夢中人大異之就營地築斯菴而供奉  
三佛藩使莊有筠爲文述其因緣今勒石廊東  
寺基頗廣且多古跡廢礎遺磚尙是唐時雕鑿

### 南海百詠續編

卷二

五

托鉢當門笑口開天然歡喜不須猜軍中佛後原無相  
且借空營築講臺

徐成功正白旗漢軍隨靖王南征薦擢左翼總兵順  
治八年偕副將高進庫先啓王等收復高雷一路二  
月師次陽江僞提督李忠明引狼兵三千列柵以拒  
成功大破之進抵電白僞監軍道郭光祖迎降令人  
傳檄羅定其守將郭登第馬應龍亦率衆來降三月  
大軍由石城至廉州克其武利營進定靈山四月渡  
河營於舊州斬僞總兵甯武忠及王硯山寇李士元  
等於是兵威大振雷州府渠帥王翰李人超開城降  
九月官軍入居雷城獲叛鎮李成棟之子元允誅之  
十二月靖王親統大軍至雷州規取瓊南成功獻策  
日瓊州孤懸海上環山列島古稱天險而杜永和等  
由省垣敗遁盤踞其境收納餘燼其勢方張取之匪



易不若廣散軍帖宣揚國威赦其殊死待以爵祿瓊州可坐而定也王從之而永和負固不屈九年七月成功率師渡海永和乃降十年八月隨靖王討潮州叛鎮郝尙久誅之凱旋晉世職十三年調征臺逆二月兵至揭陽再戰於萬里橋賊死守府城加築月墻以禦我攻三月省垣礮船至提督吳六奇攻其南面成功率礮兵攻其西北賊棄城遁遂復揭陽時賊雖航海遠去然飄忽無常遂請暫駐揭陽以防侵突平王遂擢成功潮鎮總兵焉十八年靖藩移鎮福建成功改補閩安鎮康熙五年卒於任 賜恤有加子鴻弼充藩下叅領疾耿精忠之僭妄也因年滿引見之便在都察院首告精忠在鎮不法於反正後仍蓄逆謀擅殺總督范成謨乞迅賜提究以清反側事下九卿議王大臣請暫繫鴻弼於刑部以備對質十九年耿精忠鎖拏至京法司面質鴻弼所控皆實置精忠於法鴻弼交部從優議叙二十年補授福州

南海百詠續編

卷二

六

協副將

### 吉祥菴

在東城高華里康熙己巳年韶州府判尙有璋  
建庭有卧碣漶滅不可讀階前貝樹一株生香  
四射古綠拏空百年植也菴式樸野頗饒古意  
物阜民康妙吉祥野菴春老貝多香老僧不解滄桑劫

### 豔述新城破晉王

尙有璋字完我平王族孫也由縣令陞韶州府判順治十一年奉命協守新會縣在事有功晉一秩初僞

晉王李定國犯高州張月舉城降陽春陽江恩平皆陷定國營於肇城隔河將趨新會十一月平靖兩王至肇慶總督李率泰擬守新興平王不許議守高明平王亦不許率泰日封疆尺寸豈宜棄賊今不守兩邑甯有說乎平王日定國百戰中原其志匪細今之所急在戰不在守也二邑去水遠地非要害兵少不足守若撥重兵倘敵以偏師綴我而以重兵索戰我進不能戰退則喪其所守此兵家大忌也今天淫雨江水大漲從山絕路從水阻舟弦矢膠解瘴癘大作無論守不宜分即戰亦不可速遂撤兵還廣州肇人無不怨悵以爲玩寇殃民矣定國見兩王軍退果攻新會許爾顯死守之百計不能下至九月天晴十一日兩王始整隊下江門連克其水柵陸寨命徐成功威登科領軍糧十萬人屯新會城協力防守兩王營於三洲墟口時定國聯營十餘里勢頗張平王計衆寡不敵思出奇以挫其鋒令步卒誘戰馬軍斷後定

南海百詠續編

卷二

七

國親率鐵騎來追先以關西精銳五百躡王平王設三伏以待結陣徐退以誘之賊果深入三伏並發生擒其總兵武君禧遊擊王天才等十六人此十六人者皆萬人敵定國侍以破敵者也既被擒其氣乃懾陷高明合兵二十餘萬以逼新會分扼三洲金利富灣羅屈等隘口十一月初十日靖南將軍珠瑪喇統兵一萬至偕兩王營於新會城南賊營於城北排戰象大礮於兩峽口別以鐵騎屯於峽左山上以爲犄角平王乃令副都統畢力克圖章京賚塔統正黃正紅兩旗滿洲蒙古兵副都統范達禮統左翼漢軍兵章京尙之智副將威登科統藩下兵合擊其山上之屯騎十四日黎明兩王總督及靖南將軍領隊督戰號令所指無不一當百日午山上之騎奔潰峽口之陣亦動總兵連得成田雲龍栗養志叅將張榮等分隊齊進鎗礮如雷矢石若雨呼聲撼天地賊驚駭陣大亂死者山積定國登高望之撫膺大痛日吾縱

橫西南垂二十年未逢敵手今來廣東一敗至此非  
尙可喜之能殆天意也率殘卒奔高州畢力克圖東  
拜領鐵騎三千追之新會之圍始解諸將論功尙有  
璋於阨守草韃洲時出奇計奪獲敵糧以濟軍食列  
頭等加知府銜十二年正月定國由高州竄廣西扶  
來僅以二十餘騎投僞秦王孫可望從此粵境又安  
始無西  
師焉

### 五桂菴

在城東北隅水關側明萬厯三十八年詩僧行  
儀創建名福善菴背負女堞面臨巨池韭畦瓜  
棚大有江村致上人與諸社名流結放生會每

南海百詠續編

卷二

八

屆中元香鉢雲鏡傾動三城焉國變後池鞠茂  
草菴爲狐鼠窟矣總兵吳進功戍守東城樓乃  
修復之嘗遇大比年有試士五人僑居之一時  
同領鄉薦好事者改題菴額曰五桂從此香火  
緣盛爲俊髦傳舍矣

燕山五桂係同懷羨此羣英屬計偕一第遂爲鄉國豔  
更無人會八關齋

吳進功正紅旗漢軍隨平王航海歸誠授一等阿思  
哈哈番從征廣東充藩下總兵官屢建戰功未嘗妄

殺生性佞佛蒲團木魚不離於戎馬間軍人稱爲吳和尙粵人頗敬愛之順治九年冬香山土寇梁子直殺縣宰張令憲踞城以叛進功偕副將曹得仁往討之十月十二日師抵石岐監軍道劉尹覺請急攻進功日子直亡賴徒耳民非甘心從逆爲其脅逼而已招之卽來降也曹協請往諭之子直閉城不納曹協怒將攻之進功日彼拒我者怯我也密令典史陳忠潛從水關入開導者民十五日士民縛子直及其黨百七十人以獻斬於市縣民謹頌未嘗傷良善一人其他布德安民事多類此

### 檀度菴

在越井岡之陽女尼靜室也始於康熙四年平

南王建爲菴主自悟比丘焚修所

南海百詠續編

卷二

九

一串牟尼脫火坑傭中佼佼鐵錚錚蒲團不墮紅羊劫

### 笑彼飄零孔四貞

平南有子二十三人女十七人其幼女某生卽茹素禮佛不諳家人操作觀諸兄之橫恣憂患成疾力懇爲尼王不能奪選宮婢十人爲侍者建菴居之號曰自悟羣稱之爲王姑姑云姑姑博通梵典戒律精嚴先平王而示寂不覩家難今菴尙有影容披髮衣紫蛾眉雙蹙若重有憂者

孔四貞者定南忠壯王孔有德之女忠壯殉烈於桂林闔門遇害四貞年甫六歲得衛士某保護回京

上深憫之留養大內皇太后撫爲養女封

固倫公主食定南王全俸及笄奉旨許字義王孫可望之子延齡于歸後延齡擢廣西將軍四貞不以夫貴自用親王儀衛領舊藩四佐領兵隨延齡之

任夫妻頗不相能及延齡從逆四貞刺血告變有旨褒美迨延齡爲吳世琮所戕四貞攜其舊部反都依族子孫穎灝上追念蓋臣命仍食定南俸未幾卒學士吳偉業爲孝女行以哀之詩載梅村集

### 慶雲菴

在新城東橫街地卽宋時之山川壇順治十三年元旦五色卿雲現於省垣百僚稱賀藩下總兵官張國勛因建是菴以祝太平未幾而海氛蕩定蓋先幾之徵也廊下有道光十年將軍慶保重修碑敘述菴之始末頗詳備

南海百詠續編

卷二

十

非煙非霧繞江城日有重華告太平島嶼旣搜鯨鱷盡南瀛從此遂銷兵

張國勛正紅旗漢軍父洪義隨左夢庚投誠授騎都尉世職順治七年國勛襲職隨平南王征廣東以克城功晉擢水師總兵爛於潮汐駕駛十七年高廉多警海寇鄧耀踞龍門島李常榮踞海陵島潛通臺逆鄭成功而僞漳平伯周金湯往來南甸招納流亡明之故臣宗人咸聚兩島間六月國勛承王命徂征會舟師於陽江十六日師次海陵島口李常榮率衆迎降官軍入踞其島金湯聞信乃糾合王懋德黃確鄭球三巨股及叛賊李玉分扼隔水南廳上下兩川七月官軍分路進剿遊擊李崇元領鐵騎由陸攻其上下兩川降將李榮周玉駕戰艦攻其南廳八月國勛等破賊於上下川斬王懋德等生擒周金湯於是水

陸合兵進攻龍門島前鋒副將張璋由山路遊擊易知由水路叅將岳世隆領礮船爲頭敵鄧耀傾巢來拒廿三日戰於島口官軍五路搏擊遂大破其衆鄧耀遁安南降其幫匪二萬餘釋回難民五千餘十八年秋國勛又統舟師進剿永豐寨其魁蕭國隆者故繡花針王與餘黨也四結叛援屢爲焚掠在亨峒者則有陳期新在白頭萌者則有洪彪在海萌者則有周祥在古城者則有勞泰在雷岡雙水者則又有鄧雄鍾良等八月國勛至永豐國隆掘壕加塹作死守計官軍築長圍困之遂分剿亨峒諸寇斬陳期新等會班際威領礮船至九月廿四日遂攻克永豐寨國隆舉家自焚死收其軍資無算乃相厥隘要請於廣肇接壤添設那扶營守以叅遊大員而彈壓兩郡五縣部議如所請於是西塞澄清盜風止息焉

### 雙山寺

南海百詠續編

卷二

七

在大北門城闔下負山面郭花藥成村孔道中

靜宇也順治丙戌靖藩下旗鼓佐領張國祿捐

建堂有題名碑自靖王而下藩屬文武咸有攸

助近爲俗髡所踞僑厝旅櫬收賃廡之資以供

飲博云

雙掌雄分一徑過精藍小寄綠雲窩四圍生翠籠啼鳥

駐馬何須弔尉佗

張國祿鑲黃旗漢軍始爲靖藩護衛晉旗鼓佐領順治八年十二月隨征瓊州九年春大軍駐雷州僞督

杜永和遣其將張月等扼守海口盡匿其舟船官兵久不得渡國祿持招降軍帖偷達定安諭其四民於是薙髮來降者萬人永和不能禁亦開城降瓊州平十一月凱旋授永和總兵銜論功國祿加叅將職

### 西禪寺

在西郊龜岡下建始於宋瀋熙間明正統初毀於黃蕭養景泰三年中官某修復之請於朝敕賜龜峯禪寺香火冠一時殿東有六祖銅像慈範莊嚴後因寺饒富故輔方獻夫垂涎謀於學道魏校以扶聖教爲名毀其像奪其田攘爲己

祠邑庠黃海若心不能平訟訴經年官不敢決國變後燬於兵燹順治戊戌靖藩總兵官曾養性捐貲修復經閣雲寮轉威當年巡撫李棲鳳爲文紀之勒石殿西

黃耳功成藉草眠敢隨封豕吠青天千金媚佛希慈祐  
佛尙難安瓦數椽

曾養性山東人驃騎將軍曾法孔之子隨靖藩鎮廣東與馬九玉同爲總兵最用事尤詔事世子耿精忠順治末徙鎮福州繼茂尋卒精忠襲王爵淫虐不法養性導以聚斂閩人恨之刺骨康熙十三年吳三桂

叛於雲南誘精忠從逆六月初三日精忠裂衣冠蓄  
頭髮亦踞福建以叛養性領兵犯浙江黃巖鎮執總  
兵阿爾泰殺之進屯黃瑞山遂攻天台阻截官軍糧  
運十四年掠台州府城爲總兵吉勒塔布所敗退屯  
涼篷隘口掘塹拒守尋爲副將穆赫林擊遁遂棄黃  
巖反福州十五年復犯温州六月据守古溪十月精  
忠闔屬反正養性始就撫二十一年同精忠逮繫至  
刑部法司鞠實議得叛鎮曾養性助逆謀叛皆有顯  
據屢次領兵與官軍接仗且戕殺總兵阿爾泰等多  
員與他犯不同應照謀叛律凌遲處死是年冬同耿  
精忠馬九玉九人  
正法於都門西市

### 華林寺

在西關繡衣坊梁普通七年達摩航海至粵卓

錫是間爲南宗初祖廣人目其寺爲西來初地  
實嶺南最古之刹也順治十三年僧人宗符大  
修之手植三松於庭今皆枯死道光末主衲祇  
園創建羅漢堂親謁浙江淨慈寺描繪五百應  
真金容歸而模塑築田字殿以奉安之心香慧  
炬傾動三城焉

典文充藏律三千畢世探搜苦未全一葦航來無字教  
南宗從此衍空禪



天方象教日戒日律釋氏典文有北有南所謂由昏  
漸慧由覺漸悟猛勇精進漸積成宗者也粵之梵教  
始於曇摩耶尊者繼之者求那羅跋以及智藥三藏  
莫不梵唄訓受戒律修明迨達摩南來不落言詮直  
指心印佛法二  
而南宗衍矣

寺藏平南王壽屏一座雕梨嵌金文字工好蓋靖藩  
由閩驛致爲平王八旬祝壽者在來士多捫讀之

### 長壽寺

在西關順母橋北明季巡按沈正隆建地接荔  
灣西通珠海瘴雨蠻風尋就傾頽康熙中吳僧  
大汕者出貲葺治土木華麗花竹成蹊有繪空

南海百詠續編

卷二

四

閣離六堂半帆廊諸勝油壁春航戶屢常滿王  
文簡奉使來粵嘗與諸才人觴詠是間題楹聯  
云紅樓映海三更日石澗通江兩度潮可想見  
其勝槩矣大汕以事遞籍池北偶談曾紀及之

朱烏瑤窗旭影遲禪牀閒對好花枝當時亦有金和尚  
未必風流勝阿師

大汕號石濂吳縣人狡黠多智以訟亡命得三茅耶  
術能役神鬼剪髮爲頭陀裝附賈舶至安南時方亢  
旱國主募術士祈雨汕乃大書寓門日石頭陀有甘  
霖出賣國人震傳迎至郊壇觀其所爲汕作法三日

而甘雨大霑國主延居王宮尊爲聖僧焉汕結筏池中絕粒七日爲國人祈福益神之稱爲活佛所得布施無算蓋先屑牛鬻襍以藥餌尤爲串珠每日潛服之以療飢也其許多類此居安南數載積鏹巨萬與其徒捆載以歸遂營繕茲寺廣栽花木潛蓄妖伶一時豪紳巨賈樂與之遊始猶僞爲恭謹繼則鮮衣華輿出入各當事關說通賄其門若市矣臬使許嗣興惡之杖遣回籍旋斃於路今佛閣有藤織大彌勒象即汕藏鏹南歸具也金和尚亦康熙時豪僧事與汕類漁洋山人嘗紀之蒲留仙亦備書之

### 皇華寺

在小北外皇華塘明末詩僧函可禪室也棲濠面郭紅棉繞門景最清幽後因訟累遣戍甯古

南海百詠續編

卷二

五

塔寺就荒圯村人借爲厝樞室乾隆十九年糧驛道龍廷棟請於兩院取爲女養濟院撥水利羨餘以贍貧孀之無告者

彈指華巖水自東故山猿鶴歎飄蓬空餘種荔田三畝借與神堯養斷鴻

函可博羅縣人名韓宗駭明尙書韓日纘之第三子工詞章善文筆明亡爲僧自號贖人與澹歸今種輩相往來寄鉢於此後爲怨家所訐配甯古塔在戍有詩云三畝離支一畝塘長松千尺列成行主人猶自不歸去草野空餘薜荔香其寺之風致可想見矣

永泰寺

在東郊俗名太監寺明宏治中內監韋眷自建殿後有眷塑像冠帶緋魚侍者夾立寺僧祀之惟謹蓋眷當日置營業至厚緇流賴以贍生故不忘其德也

金碧秋林護綺寮不風庭院也蕭蕭溪山勝處留香火百載居然祀豎貂

眷本王振私黨宏治四年出爲廣東市舶司監督貪暴驕橫屢激民變嘗侵匿關課二十餘萬兩爲番禺

南海百詠續編

卷二

六

令高瑤發覺藩使陳選籍沒之天順中撒馬爾貢使來獻獅子取道廣東回國詐云欲往滿加刺更市眷得其厚賂將許之陳選上言夷人狡詐萬不可許倘屈順之必貽譏於外藩事得寢眷大憤恨遂摭拾他事疏劾陳選高瑤朋比爲奸詔令臬使徐同愛勘問徐亦闖黨也文致二人罪降黜有差粵人無不切齒於眷而香火百年土偶無恙較碧雲寺之魏上公尤顯赫矣

白雲庵

在北郊象山之陽又名太平菴順治庚寅兩藩攻省垣時前鋒擊卡瞭望處也折戟沉鎗耕氓時於岡麓得之

一聲清磬透香龕不辨前溪與後嵐高下木棉多似錦  
赤騰騰抱太平菴

菴爲兩藩所建壁有豐碑梁懸大鏞敘述底定之勛  
其碑畧云順治七年二月六日王師抵五羊城下離  
城里許我師駐焉予營於白雲之東靖藩營於白雲  
之西與敵相拒凡九閱月迨復月之二日乃克此城  
及壬辰春遠近就理民皆樂業而靖藩之師南下到  
處迎降烽燧俱息乃卽舊營之巔旣建武廟矣又於  
山之陰更建白雲菴以祀大士云云餘與武廟碑畧  
同惟其鐘銘典雅堪備金石之採謹錄全文以待搜  
討焉鐘文曰順治七年平南王恢粵二月六日抵羊  
城北白雲山之下結營山阿凡九閱月將士奮騰兵  
馬無恙其間鑄礮製藥隨手而應陰有神祐是年十  
有一月二日恢復追溯不忘乃捐建太平菴內塑佛

南海百詠續編

卷二

七

像爰勒鐘鼎以志不朽銘曰鳴鏜肅旅以事南征緣  
巖列帳依岫分營百舉彙應乃克堅城爰溯佛力鑄  
鐘鼎銘用以播其芳馨大清順治壬  
辰三月平南王建通判周憲章監製

### 景泰寺

在白雲九龍坑上宋景泰禪師道場也靈泉注  
磻環植杉篁廣州八景中所稱景泰僧歸者是  
也順治庚寅王師至粵堅城未能驟克乃造攻  
具於寺前凡九閱月沿峯竹木斬伐殆盡澮水  
童山無復杖錫聯翻古道斜陽當年佳致矣

萬樹松杉捲翠濤紅泉飛瀉石梁高天留奧谷開軍塢  
且構隆衛克虎牢

平南既作長圍以困省城所攜攻具未敷應用乃命  
總兵許爾顯擇九龍坑啓鑪鑄礮八月礮成計得四  
十六位合舊有之五十六位每礮配彈藥五百餘通  
復造火藥十三萬斤更命木工造大擋牌哈哈木雲  
梯天橋狼筈竹屯諸攻具行有日矣匠氏稟稱輦礮  
須車粵乏車匠北軍雖能斫輪輪有鐵穿以貫軸粵  
土浮鬆不能作穿範佐領金有賞隊內有百姓者於  
從化東山得紫標土以爲模而車穿始成於是晝夜  
挽運至西山下  
遂一戰蕞功也

### 海珠寺

南海百詠續編

卷二

六

在珠江之中怒濤四撼突起仙洲瑤房嘉樹恍

若蓬壺宋李昉英讀書處也

犀株映水翠幢幢雉堞鯨樓鎖大江千古登臨觴詠地  
不教浮玉號無雙

李忠簡以宋寶曆二載登第厥後邑人張振孫將試  
南宮大集名士於此觴詠竟日號曰龍頭會以爲登  
第嘉符至今未改明季忠簡後裔建祠於上以奉祀  
忠簡延縉流守之順治四年總督佟養甲以寺居省  
垣要害建礮臺遣將弁戍守置神器焉康熙中巡撫  
李棲鳳在祠前築危樓以爲遊人登眺所而仍舊名  
日得  
月樓

海幢寺

在珠江南岸南漢千秋寺故址明季邑人郭岳龍購爲別業順治初僧阿字始建佛屋於旁額曰海幢阿字故與平南王善康熙十一年展拓寺基平藩自建天王殿王福晉舒氏建大殿總兵許爾顯建二殿及後閣巡撫劉秉權建山門局式恢宏溪山形勝甲乎嶺南

瑯關四啓聳晴霄梵啐聲同大海潮寶馬不來宮醮歇  
南海百詠續編 卷二 九  
賸他鷹爪守瓊寮

寺內所用之綠色甄瓦均舒福晉所布施初兩藩營造府第咨請部示懇照王貝勒制式得用琉璃甄瓦以及臺門鹿頂嗣奉部駁民爵與宗藩制異察平靖兩藩均由民身立爵所請用綠色甄瓦之處礙難准行時粵東啓窰甄瓦皆成而未敢擅用乃盡施諸佛寺若粵秀山之觀音寺武帝廟及大佛寺皆此種甄瓦也今寺之香積厨大齋竈尙是螭甄砌成者近爲骨董家易去殆盡矣殿東有鷹爪蘭一株尙是郭園故植蔓條作榦高出簷牙厯劫二三百載而芬芳若故亦靈卉也寺僧壘石爲臺架欄護之東南詩人題詠者甚多

大通寺

在通滘口南漢時寶光寺也宋政和八年賜名  
慈應禪院內奉達岸禪師肉身化象故靈異甚  
多舊跡渺茫未知何處相傳寺前有古井二每  
逢江雨則搖曳生煙又稱煙雨泉羊城八景中  
所謂大通煙雨者卽其境也村人近於寺後鑿  
土井以當古蹟樹蒔花卉爲食業春紅秋白風  
趣亦殊不劣

風篁雨檜攬寒煙龍氣重重上井泉萬厦寶光何處是  
南海百詠續編 卷二 三  
廢甑殘礎沒葑田

萬厯六年省垣大旱祈禱無驗四民迎達岸肉身於  
交衢如術虔禱三日甘霖大霑四野霑足大衆請肉  
像返寺九牛鼻之不能移玃卜像所願止願居訶林  
焉無何寶光燬於火肉像蓋避劫也寺遂荒廢後里  
人蕭子奇乃擇今地建寺迎像遂名曰煙雨寺坊額  
曰大通煙雨復古蹟也香火不甚興感旗人祀之惟  
謹乾隆己巳六月滿洲驍騎校珠隆阿等三十四人  
薦送上官於滘口歸舟忽遇颶風檣櫓摧折船已傾  
覆忽覩寺內有白光如長虹低垂怒浪中逆捲破船  
置於寺前衆急趨寺頂禮仰見禪師肉身浪花遍體  
濡濕中猶掛浮萍也於是繪圖  
於壁再塑金身以識慈祐云

### 海雲寺

寺在雷峯林巒秀美明末僧今湛主持其間鼎  
革後天然和尚主講焉平南鎮粵仰其高風爲  
之廣置寺田更虔鑄佛像金光丈六以誌香火  
因緣土木之盛近時罕有遂爲海邦上刹

璫難纔平黨禍深秣陵王氣遂銷沉上人高掉生花舌  
喚起南歸鍛羽禽

天然名曾起辛以名孝廉教授鄉里青年卽披剃出家  
父母姊妹咸爲僧尼人多怪之及國變縉紳故老  
多遁蹟空門天然每爲之汲引世人始服其先見云  
平南慕其高蹤聘迎至邸一宿卽告歸或問之曰平  
南海百詠續編

卷二

三

懷聖寺

在西城光塔街唐時回回國人禮拜堂也回教  
之祖名貴聖穆罕默德彼教之人稱之爲貴聖  
寺號懷聖者謂彼教之人懷念祖師貴聖也而  
沿革志謂寺創於唐懷聖將軍故名然考唐六  
典當時有懷化將軍別無懷聖之號志書蓋誤  
也況寺內現有元時郭嘉碑文其贊云寺曰懷



聖西教之宗固明指所懷爲貴聖矣

望海須登最上層金雞晝轉夜燒鐙誰將懷化訛懷聖  
壁有豐碑信可憑

寺有番塔高十六丈有奇輪囷直上絕無等級形如  
酒罈唐時圓人之望海表也塔巔有金雞隨風可轉  
以驗颶母消息夜則燃火以導歸帆拜殿之式有類  
穹廬當中懸素帛繪一劍形謂是貴聖喜容圓民七  
日膜拜一次男女環跪唵誦師號蓋圓紇舊俗也順  
治庚寅大城底定兩王以內垣爲藩城文武解署悉  
移新垣圓衆無所棲止總督李率泰擇南門外臨濠  
一帶給圓衆居住本廟仍畱爲禮拜寺其後南勝里  
濠畔街添東西兩寺暨小東  
營省城共有四禮拜寺矣

道觀

五仙觀

舊在仙湖上周蓮溪祠前元季燬於火後徙於坡山之巔明人合築三城丞相汪廣洋撫粵乃鑄巨鐘建崇樓懸之以厭勝海嘯遂爲闔郡雄鎮嗣因形家言樓居申位象人肺肝擊鐘則民多警禁勿考撞又名禁鐘樓順治十二年靖南王繕治廟宇乃大修之立碑樓前焉

南海百詠續編

卷二

三

玉版高撐第一樓雄文真足耀遐陬功成百將題名後此業何堪託沐猴

舊樓額題曰嶺南第一樓碑高二丈有諸將題名風雨駁落文多缺泐謹錄全文以備金石採訪  
文曰在昔軒轅問長生於空同義山乞長生於羨門仙人所由昉云然口口口君子一志鍊形真丹將結驂鸞可期積功累行口口口口口口口口幽牒登仙錄功行最普無如世界皆飽稔無餒饑若廣城之五仙口口是歟按郡志建城伊始五仙突至騎羊持穗祝斯民永無饑荒之虞言訖飛昇羊化爲石郡人感其異且德焉構爲觀以祀之維肇剏之口口口漢相沿以迄於茲觀之興廢不一趙宋以前不可徵矣於元而一新於明而再新今閱數千禩五仙所祝猶在人口粵氓嘉頰之不衰口口之功行洵普矣哉洪

惟我 皇上伏紫氣以登三秉黃離而用九堯燭  
與道光齊照舜河與法水俱清時和歲豐涂歌巷誦  
蒼生鮮昏墊之倫神仙有顯化之應予承 天子  
敕藩撫蒞此邦日擊仙觀圮敝朱軒紺柱共榛荆以  
邱墟月面星眸並烟霧而塊莽購材鼎新率令官民  
合力鳩庀響應如雲更奉我慈闈 太老夫人李氏  
秉心塞淵肅欽神祇捐發橐貲勦建勝事口口口口  
口庭革口口於廢址葺宮絳殿裁成布置咸以式黃  
冠有舍步虛有堂口口口口口口口口事敏晨夕展力  
越數月而口口口口口口口口長生之訣詎必飯青  
精殮瑤漿哉獨其願力闕深祝無饑荒此好生一念  
口口口口口無口口口口凡我靡弃爪士羣黎百姓尙其  
勤進香膏薦信勿懈永禱五仙之靈口口口口應入食  
其社莫可紀量卽予重建之志也是爲  
記順治十二年乙未靖南王耿繼茂書

南海百詠續編

卷二

十四

又碑側一行靖南王捐銀二百五十兩買地一區擴  
爲道院東齋永禁侵占據此則當日修理官廟以藩  
府之尊尙須出貲和買則兩王在粵未必  
如觚賸嶺南雜記大事錄所言之橫暴也

元妙觀

在西門直街唐之開元寺宋人改爲天慶觀洪  
邁爲之記東廂有衆妙堂東坡亦有記碑石均  
無存矣西院井甚清冽東坡所浚也今稱爲蘇  
井舊有僞漢劉澄及二子銅像嘉靖時海內崇  
尙道學提學魏校專獵浮譽取像燬之以其銅

鑄大鏡數十徧貽朝貴粵人復塑土偶特建功  
德院以祀之

貞碣成塵鑄像鎔丹臺草滿井亭封步虛元夕人何在  
只贖南朝一杵鐘

康熙五年平藩肇修廢祀是觀聿新視舊製有加勒碑琪林門內紀述頗詳蘇洪壽石久成灰土南漢精金幻化無存惟大殿宋鐘一具銑蠹完好文欸燦然係元豐三年林英等捐鑄者惜無銘贊堪備擇採

### 三元宮

在越井岡卽唐之悟性寺故址寺久廢順治十

二年平南王建爲道院榕棉深鎖人稱福地山  
門前有巨井水味甘冽卽晉季之羅漢井與玉  
龍泉相距不遠粵秀諸峯僅此一井千秋名跡  
可徵諸目驗者也志乘家誤以悟性爲法性又  
混牽虞苑之古泉爲羅漢泉遂成歧混

淺碧稠青拂不開紅棉花裏現樓臺胡麻一飯清涼界  
爲訪長春燕九來

都門正月十九羣遊西頂白雲觀以謁長春真人邱處機名曰燕九自元迄今習俗相沿兩藩將卒皆北

產亦於是日共登三元宮以當燕九香車寶馬絡聯若雲撤藩後此風稍息康熙四十三年提督金宏鎮修葺之且置觀產以瞻羽流遂以九月朔建九皇會凡九晝夜亦沿爲風俗也

### 應元宮

在粵秀峯東康熙七年海氛靖謐平南王建祀斗姥摩利支天尊者也神像仿自肇慶七星巖星冠瓔絡六臂趺坐兩手合掌兩手擎日月兩手握弓劍天女捧槃夾侍左盛羊頭右載兔首相傳明季熊文燦征劉香老時慶兵瓊南菩薩

現形空際風雷四繞寇因蕩滅歸塑像於星巖以昭神佑鼎革之際海疆弗靖至康熙四年始克奠定所賴於神助者甚衆故建是廟以誌弗諉也

瓔絡蟠胸六掌擎丹霄晝見火雷并何須神臂三千弩  
已殪南瀛跋浪鯨

明之餘孽咸聚廣南出沒海島乘機煽禍順治十六年秋平王出師攻克文村斬朱聿鐸及其帥王興越明年收復海陵島擒渠首李嘗榮降其下周金湯等十八年進定龍門島斬鄧耀遂破永豐寨誅降蕭國

隆等有差康熙元年春平高州陳豹二年平那畧楊二楊三并搜捕東順香五縣餘黨三年剿李榮周玉諸叛賊四年平那扶寨斬黃明初遂克大奚山而譚琳高諸股成就擒焉海甸澄清罔非波臣翊運河伯効靈也

### 鄭仙祠

在粵秀山龍王堂側道光初紳士捐建下有小園倚山爲榭架樹成屋將軍慶蕉園移奇石數十笏壘綴庭前多植梅槐以爲修禊所題曰靈巖香海其境以梅石勝也

南海百詠續編

卷二

三

花嶼雲縈榻趣深靈璫吹韻下透岑芙蓉萬態移何處疑自金閭獅子林

### 純陽觀

在河南漱珠岡地近盧循故城宋之萬松岡也古松怪石溪山如畫嘉慶己卯羽士李青來始建爲道院觀後有臺青來禮斗處也阮文達閣部題曰頤雲壇時過從之

欲驗超辰構草亭特標璿管候明星前年拓地栽紅藥

鋤得松根宋茯苓

青來得西人算法精天文學著園天圖說皆祖述利瑪竇南懷仁之言間採梅定九之說以成書阮文達收入省志藝文類刊刻行世觀察盧西津嘗與之論西人利器青來日夷人火具精絕然不善用之適足病國弧矢之威著聞千古且兵在勇而不在器專恃則兵不足任矣火具烏足恃哉觀察大異之  
落土建觀時鋤得茯苓數石皆巨如斗蓋百載精英也青來服之年八十神氣不衰

安期仙祠

在白雲濂泉之左卽明末陳文忠雲淙別墅故

址嘉慶戊辰羅浮羽客江本源築道觀於其間

南海百詠續編

卷二

三

有聽松坪索笑簷衣冠塚諸勝梅竹成畦實品

泉聽鳥佳境

跨蝶歸來覓故廬秋坪響踏屐聲孤修他別墅爲詩藪

補種梅花一萬株

詩人張南山黃香石林月亭段級秋七人於觀左別築南雅堂廣植名葩奇卉感結吟壇補袂消寒殆無虛日伊墨卿太守爲南雅堂記鏤石於壁

離明觀

在泥城河干地近陸賈故城僞漢時之郊臺雄

轟其傍道光初茶商創建以爲貯茗公局黃冠  
守之橫瞰郡郭面納鷺潭風雲變態日盈庭檻  
欲戰當時乏伍參枉將犀甲耀鷺潭可憐溷器紅成陣  
取禦西戎太不堪

道光辛丑暎夷竄入珠江楚黔援軍幾及四萬有某  
帥者不事攻剿惟日修祝禱大言欺人或有以夷砲  
爲慮者某乃令官吏廣收婦女之便器及敗穢裙視  
羅置江澚以爲厭勝夷人用砲摧之散碎無餘遂直  
抵泥城消搖觀中援軍不戰  
而潰夷酋整隊及城下焉



南海百詠續編卷三

瀋陽樊 封昆吾著

後學李定源本之  
受業馮 健松齋  
受業張正 翬華堂  
姪孫樊 宗聲甫



神廟

北廟

在大北門直街規模雄峻香火至盛兩廊碑碣  
林立皆宋元刊刻有 至聖先師暨老子如來  
諸像復有明成祖巾服御容其他斷碣殘珉沒

南海百詠續編

卷三

一

於土者尙復不少疑卽寰宇記所稱之北廟也

記云天井岡下有廟甚靈土人祈年  
報賽咸奔走乎此州人稱之爲北廟明時合築

三城鑿象岡以爲北門是廟移而東向改祀眞  
武遂令唐之上刹無人知之矣所賴殘碣尙存  
猶得以想像而追溯之也

風雨梅梁已化龍千年北廟賸遺蹤陰廊斷碣誰曾訪

尙有文皇舊喜容

廟當廣遠李成棟之亂燬於兵康熙二十四年駐防  
參領高登修復之命人於瓦礫中搜得三敎聖像短

碣二十餘其完好者咸樹之壁其剝缺者或爲柱礎或作階級又不知凡幾矣

### 張桓侯廟

在天井岡武廟西偏順治十一年平南世子一

等公尙之信建巡撫李棲鳳撰文勒石於壁

髫年便解慕桓侯紫轡銀纏閱隊秋庭訓旣疏良傳少

遂耽狂藥墮箕裘

之信行五少年好動於躍馬試劍時喜聽人說三國演義深羨桓侯之武威與諸弟建此廟以配食武帝合關東巧匠仿劉鑿塑法神貌故威猛如生謁之者咸懍然之信佩討逆將軍印往征東江時在省垣大

南海百詠續編

卷三

二

閱戎伍環甲揮戈馳所愛班騅  
耀武校場中禡於廟而後行

### 龍王廟

在粵秀峯之陽龍神舊不列祀典雍正五年始

命有司詞祀之斯廟則乾隆元年總督阿里衮

所營建者也

禱象新從太府迎冕旒袞玉貌書生地祇人鬼安容混

俗諺原非理可爭

雍正五年奉 上諭龍神布散霖雨福國庇民京師業經虔供近復敬造各省龍神大小二象該省守土

大臣可遴員來京奉迎欽此是年七月遣韶州府通判陸柱國詣京奉迎十二月神象至廣州奉安於巡撫東轅門外乾隆元年移於粵秀山下祈晴禱雨神異顯靈惟神象清臞哲面修髯不作赤髮龍形相傳卽前撫遠大將軍年羹堯不曉何由得作龍神也然南人好語怪不辨天神地祇人鬼之祀每遇山川享祭必求一前賢以當之若巡撫李恭毅之爲城隍總兵馬瑜之爲海神本不足辨查康熙四十七年廣東戊子鄉試羹堯時官庶子充正考官來粵衡文取中李恒燠等七十二人士論翕服或者衣鉢私恩遂造此影談耳

### 六燾廟

在拱北樓上元明奉祀旌節處也永樂時改祀

六燾尊神國有征討禡牙所指及功成訊馘咸舉行於是我朝因之康熙丁巳廢藩長史李天植等逆案及乾隆壬申東莞奸民王亮臣謀反案犯皆行刑於雙闕之前

一語橫倡白及交精精碧血灑堂坳七人曾未援弓繳護卵何心覆鳳巢

尙之信羈候於五羊驛長史李天植往謁不能見藩屬餽食驛卒弗納於是闔府訕懼謂王不免且察係都統王國棟謀天植怒與王弟之傑之璜世子崇謚等謀曰國棟負恩反噬構成大獄王將不測吾儕咸

凡上肉動亦死靜亦死不若誘而殺之束身就獄以  
白王寃 欽差必上聞寃或得伸縱不直吾儕願償  
彼命王不過削爵遠竄耳不愈於屈死耶眾皆諾於  
是詐傳福晉旨令國棟入府計事國棟方飲於巡撫  
署聞命趨至天植禁衛卒不得入而兩廊武上齊起  
國棟爲肉糜矣將軍賚塔聞變統勁卒圍邸第天植  
就擒鞠同謀者則自副都統參領以下百有八人天  
植自認造謀之傑之璜認下手戕殺之信力辯弗預  
聞護衛田世雄出之信在武宣時給天植手札有云  
國棟媒孽此獄傾害我家汝必殺之以泄我恨等語  
始俯首無詞案成馳奏九月十六刑部遞至釘封一  
件將軍領兵乘城巡撫金儁嚴兵以待十七日百官  
集拱北樓宣讀 聖旨總督金光祖押尚之信於  
府學名宦祠內賜令自盡總兵班際盛取李天植等  
百有八人環跪拱北樓前次第就刑之傑怒詈不已  
天植謂之日人生名節至重今日之死若登仙也是

南海百詠續編

卷三

四

日悲風黯淡黃霧漫空當時有風波亭上  
三父子名宦祠前四弟兄之謠蓋憫之也  
王亮臣東莞中塘司人富而多詐以財計交納匪民  
江西術士莫景希以堪輿遨遊各處謂東莞藍鳳山  
有天子氣新塘村當出異人亮臣聞之隱與結納煽  
惑匪黨至數萬人准乾隆十八年上元稱大號踞省  
垣遂聚藍鳳山爲逆十七年除夜總督阿里衮偵知  
之率勇士夜馳至山一鼓擒之亦斬於樓下

惠福祠

在僊湖街僊童橋側都人祭賽金花夫人廟也

橋因夫人名婦女祈嗣咸來禱祀明學道魏校

嘗毀之順治十三年藩下佐領張國祿修復焉

金娘僊蹟藥湖隈奠醑刲牢日往回祠豈是淫嗤魏校  
古王弓矢祀高媒

廟有廖元素所撰碑其略云神於洪武七年四月十七日子時降生惠福巷女巫金氏之家比長佐母治巫能知未來事遠近尊之呼爲金花小娘年十七墜於仙湖遂解化去時洪武廿二年七月七日午時也數日乃獲其蛻姿貌如生里人陳觀見而異之適湖傍有香木浮來宛如人形遂雕爲夫人像建廟祀之遠近祈嗣者咸有應驗云至成化時巡撫陳濂題神銜曰金花普主惠福夫人從此香火彌盛嘉靖間學道魏校目爲淫祠毀之居人移祀於河南渡口祈禱轉盛案月令仲春元鳥至天子親率后妃九嬪以弓矢祀於高禖鄭注高禖媒神也祀之所嗣也詩之生民元鳥傳箋皆以爲高禖之祀金花夫人亦高禖類

南海百詠續編

卷三

五

耳安得云爲淫祀明季理學家  
荒經武斷不近人情大都類此

馬王廟

在太平門狀元坊順治五年叛鎮李成棟建祀  
馬神者也廟有成棟碑用明唐王永歷年號蓋  
戕殺總督佟養甲叛踞廣州時作也

天旅南征禡祭申革車肅肅奉三神重儻未解興京制  
誤認龍星祀仲春

恭案 皇朝龍興遼瀋三教鼎隆大軍有所征討禡  
於 堂子而後行內府錫以三聖之神以爲軍主

載諸香輿祈禱維謹有功而歸敬告返內所謂三聖者普濟淨光王佛藥師光王佛龍樹馬鳴王佛是也順治初元佟養甲奉命收討廣東軍中奉有三聖大城底定建廟奉祀之約於成平日命官敬返乎京者也成棟未諳國制聽俗巫陋說以馬鳴王佛爲馬明王以藥師佛爲藥聖王遂塑像爲三首六臂藍面赤鬚狀同妖鬼矣其碑文不知誰氏筆叙述馬祭謂祭咸池下王良一星更不知出於何典其他荒悖者猶多彼闖孽叛卒原不足責然碑中尙稱龍樹馬鳴王未敢從封神傳小說家言作馬明大王也

### 藥王廟

在新城西橫街康熙二十五年鑲白旗叅領陳萬國等捐修香火至盛

南海百詠續編

卷三

六

仙佛源同濟眾生何須門戶強分爭祇緣藥市饒香稅遂使緇黃訟不清

初佟養甲等祀藥師光王佛於城隍廟側迨兩王以內城爲藩城置百官於新城遂徙建斯廟以便民人祭禱後用巫師之說改塑藥聖王而祈藥求醫者遠近沓來香稅山積寺僧致富亦不肯指神爲佛矣羽流豔而爭之鳴諸有司謂藥聖王道教也非釋氏所可司祝官不能決就廟碑察驗知係旗人創建乃集旗眾問所欲與旗眾曰先人以廟與僧因奉祀光王佛也今改而祀藥聖王非先人所敢知矣然舊制不可忘仍願與僧於是廟歸於僧主衲遂爲不拔之計改門榜曰藥王上刹後殿添祀觀音羅漢以息訟端

### 靈應三界廟

在南關石基里順治十五年平藩下佐領白上  
珩建廣州之三界神廟最多此獨顯赫故號曰  
靈應

金釵撻鼓賽江神座有青蛇尺蠖伸巫者但誇三界盛  
豈知民念洗夫人

廣西梧州舊有三界之神姓馮氏以符籙濟人世出  
一人以掌其業如廣信之張真人兩粵人奉之惟謹  
或云係出紹興或云始自豫章其實高涼洗夫人後  
裔也夫人爲羅州刺史馮融之媳馮寶之婦馮魂之  
母繡幃鹵簿謚安嶺表三代勤勞民心敬悅故百粵  
敬祀千載弗諼也蓋三界者三代之同音明季崇信

南海百詠續編

卷三

七

巫覡嘉靖封爲遊天得道  
三界真君不足一喙矣

順治九年李定國寇梧州靖藩下提督線國安總兵  
全節馬雄等拒守七日力不能支退屯德慶來省乞  
援平王命水師副將強世爵中軍白萬舉領兵赴援  
佐領白上珩駕砲船繼進九月次封川國安等領兵  
來會水陸並進初三日薄梧州城定國迎戰大軍破之  
斬獲頗多定國遁南甯國安等復守梧州上珩泊砲  
船於河干以爲助守屯駐一載時禱於廟輒有驗應  
神座下有青蛇長尺許去來無跡稱爲神使欲享祭  
者必先飼蛇以鷄卵否則神弗歆也上珩凱旋之日  
蛇忽至船祝之日爾肯附我返五羊城卽趨吾足蛇  
果緣白足乃奉以  
歸建茲以誌靈應

海龍王廟

在靖海門外河干順治十八年水師游擊易知  
建粵省向無龍神專廟有之自易君始廊有其  
所撰碑紀述徵實堪備訪採然缺裂殊甚字多  
剝滅謹錄原文一通於左

皇武覃敷海嶠東魚龍爭拜大王風太平討日橐弓矢  
且鑿丹厓勒戰功

碑文曰嶺南十郡頻海 司海之神廟食處處不  
絕獨無所謂海龍王廟也海龍王廟之建其自知始  
初知于役雷廉歷險獲夷祝神輒應楹兩廡門面海  
甃蓋材工靡不緻好蠲

南海百詠續編

卷三

八

以居此後無論歲時伏腊封羊豚 饒歌樂用以侑  
神凡渡海官賈尸祝祈靈以求履坦者惟神佑之順  
治辛丑瓊鎮右  
營游擊易知撰

### 東西得勝廟

在小北門外一里雙峯雄峙高瞰仙城庚寅之  
役兩藩前鋒挈卡處也奠定之後東西各建得  
勝寺焉

龍虎翻天盡倒兵敢將京觀築神鯨擔頭帶有旌功柳  
種徧東西得勝營



廟制樸古殿內有豐碑高可丈一橫逾三尺兩面皆正書抵粵之諸將咸列名於是文亦徵實堪備訪探文曰今上七祀庚寅暢月二日始恢復粵省武奮文揆兆民憬化暨三稔乃建得勝廟於舊營白雲山之麓以崇關帝志不忘宣祐也緬予與靖藩越在遼海己丑七月荷 朝廷特簡征粵輒携各營眷屬萬里南行旣而予眷駐臨陽靖藩眷駐吉州下逮營屬僉安貞秋毫皆帝賚也比臆月二十七日師度庾嶺先遣副將粟養志規探情實而予統前隊匝圍南雄城觀其兵馬煩繁戰械甚備而發踪區分終鮮紀律是可猝而取也全師未至而崇墉輒下 帝授子謀矣時廣督羅成曜方據韶州有南雄逃兵倖脫者先洩其耗成曜卽宵遁韶之官民肉袒漿迎不煩一鏃詎非 帝牖其衷耶斯時而乘勝赴省勢喻摧枯乃以四營八營十三營翻天營諸寇猶披猖於樂昌仁化間分兵追剿稍稽時日杜李逆黨乘間飭備擁眾負

南海百詠續編

卷三

九

嶠議者謂非急攻不可予省其城東南濱海繚以重垣可圖者惟西北二向耳彼有備而我驟取之未必可勝先喪已成良不忍以生命試也彼之患我者弓矢所自爲恃者火炮我無若掩其所患而卽用其所恃會從化令季奕聲習火攻之具因爲鳩工更徵辦火藥凡旣備矣審勞久之必懈窺守曠之必疎密移砲具併力西關予同靖藩躬抵城下不避矢石我師登陴立幟而逆眾不知動天潛地疑鬼疑神則又帝之大有造於我師也因唯予與靖藩自北而南常默有契於 帝令者眷屬無恙猶云私德而幸茲列郡皈誠民物阜安以叨承乎爵土之榮其敢忘冥佑哉爰新廟宇祇薦春秋於是文武羣工額手而頌曰天寵榮哉國福基哉王公伊濯士用命哉神庥存至勒貞珉旌不朽哉順治九年臬月平南王尙可喜靖南王耿繼茂拜颺

碑陰諸將題名自總兵許爾顯班志富徐成功連得成以下藩屬共二百有二人

### 東山真武廟

在大東門外三里土人奉祀北極真武上帝者也雲山護擁帶以文溪廟前小山如伏犀上植孤樹俗稱劍樹枝幹聳秀高不盈丈數百年蔭不加廣亦靈根也順治中總兵班志富大修葺之廊西有碑爲藩司王庭所撰

威名草木識南中渴飲官屯戰血紅兵欲奏功民畏死

南海百詠續編

卷三

十

### 累他縛袴老元戎

順治庚寅王師屯近郊相持九閱月永歷遣高必正來援總兵班志富領兵扼之軍人擾掠民村獵德李氏宗祠爲我兵佔踞復掠人穀畜村人李物華來訴班鎮乃重責悍卒盡返所掠遣營吏李兆持名帖與鄉村約每日納芻茭若干兵士敢入村者貫耳淫掠者斬村人咸悅稱班鎮爲伯爺云至今尙稱頌之

### 東臬武廟

在東臬之陽探花橋西村氓告賽祠也兵燹之後鞠爲茂草康熙時駐防鑲黃旗叅領王之蛟建復於左右築詩社與番禺屈大均陳恭尹順

德梁佩蘭為社友廟工竣日鑄一鐘一鼎三子

為詩銘之班駁離奇瑰列庭除往來才士捫掌

如鑑焉

烏柏凝霜破廟紅獸環瑟瑟繫花驄陰廊神鬼時呵護

一代詩王聚鼎鐘

鐘文正書梁佩蘭撰文曰 皇上龍飛之三十年  
春太原王之蛟與諸同人游射於廣州東皋時見帝  
廟傾圮詢之士人云曾敬請修葺卜之皆不允似神  
欲有待也蛟素仰神之威靈重以斯言往卜之神若  
日可因各捐金大興工作數月落成既嘉靈爽爰勒  
碑以垂永久復銘於鐘日精金翕施光氣 赤燦紅

南海百詠續編

卷三

十一

焔兮日青南方祝融驅丙丁洪爐巨扇

帝宮

齋肅天宇清一擊一吼蒲牢聲

南元氣騰空冥摧

惴旱魃朝百靈維帝在昔征不庭戰行處所轟雷霆  
威揚天轉招搖星奸雄喪魄不敢聽贅關貉子心胆  
傾北南吳魏悉削平力扶漢鼎最屬擎旂常日月同  
勒銘何況殿闕升苾馨銀鐺鍤鳳交洪鳴噴薄忠烈  
通精誠六鰲地軸橫三城迷民無耳無目睛劍輪湯  
鑊彳亍行忽聞帝座洋洋盈入微出壯音鏗鉤警回

蠢一旦醒曠然天地還清明

翰林院庶吉士順德後學梁佩蘭撰

又銘

不依不樹八音其諧鼓于神宮百靈以懷維帝之德  
舒疾无乖鏗以立武號橫終古鯨魚之發君侯赫怒  
賊子亂臣震驚九宇番禺後學屈大均拜撰  
康熙三十年歲次辛未春通議大夫鑲黃旗參領世  
襲拜塔喇布勒哈番弟子王之蛟偕男王林敬鑄

按鐘式甚古豐隆如覆甕沿跗皆作垂花文重可  
五百筋藥亭先生正書全仿鍾太傅翁山則作大  
篆行款高下不一而雄偉無倫大殿前置一鼎三  
足無耳如博山鑪式一面題王之蛟偕男王玃敬  
鑄一面則元孝先生銘文書法仿華  
山碑而蒼朴古秀捫之生豔羨心

### 鼎銘

太陽之英烏金是鑛鑄爲斯爐重於九鼎在漢之季  
火德已微我公神武更揚其輝威震華夏赤符重興  
君臣大義炳如日星昔鼎三分得其一足今公之鼎  
徧於九牧五嶺之南三城之東辦香常  
存萬古精忠羅浮後學陳恭尹敬撰

### 火神廟

在東關糙米欄順治間兩藩下礮營章京金有

賞臧成功等建祀祝融炎帝者也廟碑無存庭

### 植摧枯焉

職比司燿賽祝融虎臣憑此奏膚功赤燦毒世無窮烈

### 聖澤如春訓戒中

皇朝初無火器崇德元年明登州鎮總兵孔有德等  
航海歸誠 上幸海城受降接待 賜以殊禮

供張室廬下王貝勒一等待臣有以爲疑者 上  
曰我國兵威震耀中原所乏者攻守利器耳聞有德  
隊內有礮匠百人嫻於鼓鑄今茲來歸殆天佑我大  
清也因賜新降之漢軍爲天佑兵旗用皂雕取水火  
旣濟之義次年在瀋陽鑄制勝將軍砲無敵大將軍  
砲遂混一區夏撫定南隅皆天佑兵居中權攻則任

礮戰用鎗也五年定滿蒙漢二十四固山另建火器  
專營漢軍八旗掌之每旗礮匠十名世司其役勿得  
轉授外人禁滿蒙人不得習其技蓋五兵之用火攻  
爲最烈鎗礮行世其害至酷 大聖人仁育萬物  
不欲扇揚厥流寓止戈於虐焰  
之中每見諸 聖訓間也

祠宇

盧公祠

在陶街旗眾建祀故鎮粵將軍盧崇耀者地本明泰政陶成布政使陶魯之忠勛祠舊址塑像猶存去思德政碑乾隆間奉毀

帝念邊陲出重臣功留民口億千春新祠遂借忠勛廟意者陶成得後身

公鑲黃旗漢軍兩廣總督盧崇峻胞弟初仕世管佐領陞孝陵副將遷京口副都統康熙三十七

南海百詠續編

卷三

十四

年擢廣州將軍駐防旗人向無借項公奏提藩庫閒欸銀一萬兩存貯旗庫兵丁遇有紅白事件隨時支借按餉扣填旗人稱便粵地草苦官兵拴養馬匹每多賠累公奏准添給官兵折乾草料銀兩每兵月給銀一兩二錢旗人生計遂裕其他善政至多四十一年十一月初四日卒於任八旗思慕不已建祠祀之

石將軍祠

在大北門直街旗眾建祀前鎮粵將軍石禮哈者塑象猶存去思德政碑乾隆間奉毀當毀碑之日旗人懼干察議改祠額為鉅鹿書院栗主亦藏他處不知何時添入魏赫之主也

籌邊勝算寓精心廩有紅糧備歲祿充國屯田劉晏轉  
雄才真合鑄黃金

公正白旗漢軍開國元勛石廷柱之孫尙書石文焯  
之子雍正四年由威甯鎮總兵官擢廣州將軍時穀  
價方昂公委員赴廣西融墟採買白米三千石以濟  
旗人五年四月奏請自備養廉銀一萬兩購穀二萬  
四千石建倉屯貯以備青黃不接之時每兵借給兩  
三石俾資接濟每石作價六錢按餉分月攤還俟穀  
賤之時糴補原額庶輪轉無缺奉 旨褒美並著  
各直省仿照舉行六年因公事與巡撫楊文乾互相  
訐奏七月奉 上諭石禮哈楊文乾皆實心任事  
之大臣但恃才自用二人俱欠和平今既不睦於地  
方無益石禮哈着調任福州將軍旗  
人攀轅走送思念不已遂建祠祀之

南海百詠續編

卷三

五

### 何公祠

在陶街左司衙門內旗眾建祀故鎮粵將軍拜  
音達禮者塑像猶存德政碑奉毀祠之東偏則  
祀厥子前廣州副都統何天培也父子在廣最  
久善政至多軍民愛戴至今未忘云

懋馬驚嘶漏柝遲門前戈甲女墻輦斬關纔信高昂勇  
卅載巖疆臥老罷

公姓何氏正白旗漢軍由勛舊佐領薦擢至宣化鎮  
總兵官康熙十三年與巡撫楊熙奉調來防守廣州

十五年二月逆藩尙之信踞省城叛應吳三桂公偵知之與熙密謀潛出廣州疾趨韶關與征南將軍會兵以剿叛黨甫啟行賊黨堅閉新城各門勿令北馳公引眾躍馬關弧射殪其守將斬關以出單騎殿後賊不敢追既達韶關而征南將軍珠瑪喇由贛南亦馳至方圖進剿而之信已闔屬反正征南以公奪門全軍之事上聞得旨嘉獎二十年藩難平設駐防八旗授公爲廣州左副都統與將軍王永譽籌辦撤藩各政咸合機宜二十七年授廣州將軍三十七年五月初七日卒於任在任二十餘載輯陸軍民整齊戎伍卒之日軍民如喪所親罷市哭奠建祠祀之子天培生於廣州能操土語洞悉民間疾苦爲公子時卽以協和軍民輯暴安良爲務以父軍功得襲輕車都尉世秩授火器營章京遷二等侍衛從征噶爾丹以軍功授叅領四十一年授廣州副都統視部眾如家人父子生辰慶賀四民牽羊貢醴者盈於道路時論

南海百詠續編

卷三

六

榮之四十八年以年覲 召對於養心殿奏對稱旨賞戴花翎五十三年陞江甯將軍雍正元年計察大典以在任毫無建白且附和年羹堯勒令休致

### 楊公祠

在觀蓮街佛慧庵西紳民建祀前廣東巡撫楊

宗仁者德政碑奉毀栗主猶存今爲營丁佔踞

矣

三世承恩節鉞臨北門老柳幾重陰都人但解誇榮遇

誰識當年撫字心



公正白旗漢軍初任慈利縣令薦擢至大員以廉能著康熙五十七年授廣東巡撫清理各屬虧空奏請嗣後各州縣無論正雜欵項隨征隨解勿准存積米穀亦實收實貯倘因公挪移一經查出除將本人財產查封備抵外所有失察之上司將其應得之項先行抵補如數未敷勒限攤墊部議永為例雍正元年陞湖廣總督首倡社倉四民報捐穀石至四十餘萬之多整飭鹽政私梟絕跡蒙 旨優獎三年以疾劇請解任時子文乾任榆林道奉 旨楊文乾賞加按察司銜帶領御醫參斤馳駟赴楚奉侍十月宗仁卒於任遺疏人奉上諭楊宗仁敬慎持躬廉能供職効力年久懋著勤勞自簡任總督以來潔已奉公孤介端方始終一節茲聞溘逝深為悽惻着加贈少保賞給騎都尉世職賜諡清端入祀賢良祠 御製像贊有廉潔如冰耿介如石之句海內榮之子文乾服闋後陞河南布政司以廉礪有為擢廣東巡撫

在任清查保甲立納糧的名清冊倡捐常平倉穀奏定養廉加耗銀兩實政在民頗有健吏稱五年乞假葬父調任福建卒於福州

文乾子應琚由世職薦擢至總督乾隆十九年調兩廣以祖父兩任是邦遺愛在人瞻拜祠下置祭田如子以為祀需大修水利廣置學田就鹽司公局建越華書院以訓課饒商子弟浚北郊諸甘泉以濟窮氓善政至多在任三載晉協辦大學士調任雲貴以緬甸軍務措置乖張正法軍前

### 金公祠

在大市街旗眾建祀故鑲黃旗佐領金瑞者今

為金氏家祠矣

輯屢蒙頭賀賀來嗷鴻滿眼不勝哀都堂濟變無他術  
且借寒儒息禍災

瑞駐防正白旗漢軍由行伍至佐領委管將軍衙門  
印務雍正四年丙午廣州大饑五月巡撫楊文乾開  
倉平糶設厰於大佛寺厰役刁索民錢饑民大譁府  
尹陳鴻熙卽時閉糶四方饑眾有自百里外來者謂  
懼無所出羣趨撫署喧求開倉聲勢若狂文乾不知  
所爲閉署不納有標兵閩本義者導眾由旁門入哄  
堂搗鼓屏座悉毀中軍官勒兵以備變亂饑民始鳥  
獸散去隨捉老弱十餘人鞫詢亂者知由本義倡首  
中軍懼干吏議令本義匿他所捏稱閩本義係屬旗  
人移文提訊時將軍李杕與文乾不睦令旗員稽查  
冊檔是否有無其人而鑲黃旗叅領馬攀鳳稟稱遍  
察丁冊獨鑲黃旗檔案有閩尙義之名未知是否金

南海百詠續編

卷三

六

瑞力爭之日有與無據實咨覆可也奈何以疑似之  
名入訟牘耶尙義恐不免馬弗聽遂以尙義之名咨  
覆並聲稱其人讀書安分恐非倡亂者祈賜訊明勿  
使牽枉云云次日撫咨來云據從犯堅供閩尙義卽  
閩本義合卽就鞫及尙義往質三木鍛鍊欲辯無由  
矣旗民同知汪若文以案無切據僅憑一面之詞未  
成信讞且旗兵無庸糶官米何得至米厰倡亂求委  
員覆訊文乾大怒卽日定案疏劾將軍李杕縱兵搶  
糧領眾倡亂並叅若文有意徇縱旗人矣九月  
上命侍郎阿克敦來粵查審卒如文乾初招閩尙義  
議斬立決李杕照縱兵搶刦例革職戍邊汪若文照  
有意故出人罪例革職李杕亦騰章自辯未幾罷職  
北歸有龍川生員蘇孟起者俠士也館於旗境日擊  
其冤持香行呼於市日李將軍爲兵受過吾儕當走  
送之撫軍尙有查究孟起請以身當於是送者盈塗  
李慰諭至再涕泣別去及尙義就刑之日孟起持隻

鷄斗酒生餞於法場詠所作輓詩痛哭而去從此旗人深惡馬攀鳳而德金瑞及其歿也爲祠以祝之

### 陳公祠

在大市街南旗眾爲故正黃旗叅領陳佐聖建

塑像猶存去思碑久毀子孫咸返京旗其祠今

爲滿州正紅旗官廟矣

口碑喑喑動江干公論何須俟蓋棺遺愛在人棠樹好

### 撫兵容易睦民難

佐聖原籍中州父尙志以叅將隨左夢庚投誠授輕車都尉世職隸正黃旗漢軍兼世管佐領佐聖充本

### 南海百詠續編

### 卷三

九

旗印務章京康熙二十一年設廣州八旗駐防佐聖以正黃旗叅領率所部人口來廣南北異宜旗民殊俗佐聖殫心撫恤眾深賴之時廢藩滑卒尙有潛伏旗境者隱爲民害有張世序者尤橫肆佐聖縛付有司責遣回籍並察出冒籍充伍者亦勒令歸農旗制肅清卒之日軍民無不悼惜思慕領催王日勛等捐建茲祠有像祀之同官馬爾愈題贊云公字君弼在任十七年康熙己卯卒返柩之日部眾思戀未已肖像祀之殆古之遺愛也歟

### 峴山祠

在大市街南五仙觀前旗眾建祀故正黃旗叅

領申文貴者峴山其自號也祠舊有德政碑久

已破碎南海縣志嘗採其殘文以入宦蹟類

草長墻根鍛尾青訟庭曾未任嚴刑精誠便可通真宰  
大屋方塗虐炬停

公正黃旗漢軍字任之號峴山康熙四十年以驍騎  
從征連州排猺軍功擢甲喇章京尋遷本旗叅領掌  
左司刑名事時尙未設旗民同知員缺旗人詞訟皆  
歸左司審辦有鑲藍旗李某豪於財寵任一奴名四  
兒強橫多詐嘗以私憾殺李之幼子而李弗知也誣  
控其隣文貴廉得其實縛四兒一訊之卽折服眾以  
爲神雍正癸巳廣州饑文貴派赴粥廠彈壓廠忽被  
火親督撲救幸不爲災而左足爲壞椽所傷因不良  
於行遂請老乾隆四年六月朔卒軍民多  
往哭之就其居以爲祠題曰峴山詞云

南海百詠續編

卷三

三

石大司馬祠

在惠愛坊七約闔省紳民建祀前廣東巡撫石  
文晟者去思德政碑奉毀粟主猶存僱僧司香  
火後先輾轉今易去祠額佔爲佛院題曰廣福  
禪林矣

墓鼓沉沉閉閣門頻燒官燭坐黃昏關心民瘼無輕重  
牘尾常看指爪痕

公正白旗漢軍開國元勳石廷柱之次子由佐領薦  
擢至知府康熙二十七年來守潮州以廉幹擢陞滇

藩四十三年授廣東巡撫下車之日卽革除差徭採辦諸積弊蓋廣東經廢藩之後弊政尙多公悉去之州縣徵解本色禁折色浮冒一時稱便時謠排未靖公大懲之未幾陞任楚督四民思之尸祝乎此雍正初奉 旨入祀賢良名宦兩祠

### 蔡將軍祠

在新城東橫街旗民建祀故鎮粵將軍蔡良者

雍正十年奉 旨各直省創建賢良祠以奉

祀歷任文武大員有功德實政在民者有司就

公祠爲賢良祠乾隆八年始別造專廟於東校

南海百詠續編

卷三

三

場是祠遂廢近爲廣協礮械局矣

虎賁健鬪未知方遼瀋純風詎敢忘天語渥褒威克愛

### 半生助蹟類龔黃

公正白旗漢軍將軍蔡毓榮之子由佐領出爲福州參領雍正二年陞漢中協副將遷延綏鎮總兵官四年調贛南鎮九月陞福州將軍疏奏駐防旗人游手好閒今令各官勒其習學技藝稽其行走倘品技不堪不但不准挑選公缺卽本家缺出亦不准檢選得旨優獎六年奏立查事官兵專查旗人飲博游蕩之事亦奉 優許十一月疏劾福州協副將金國泰遊擊吳廷元酬酒不職 上諭內閣曰覽蔡良所奏具見實心任事伊名下有代父賠項着加恩豁免七年奏請嚴禁駐防旗人不得私買民間子女

以杜准折威逼諸弊奉  
終怠可也六月奉  
上諭蔡良約束兵丁勤慎得  
法著調廣州俾資整頓九月到任即奏稱駐廣旗人  
向樂嬉遊不安本分但廣城旗民雜處易滋引誘請  
行保甲以除姦弊奉  
硃批此為養兵根本之道  
慎勿稍忽九年十二月卒於任旗人為祠祀之十年  
奉  
上諭將軍蔡良與提督張起雲總兵蘇大有  
魏國翥均勤勞王事著有賢聲宜在賢良之列著各  
直省建祠祀之後公蒙  
恩賜祭葬謚曰勤恪

### 石公祠

在新城外河干潮音庵東紳民建祀故兩廣總

督石琳者祠有總督彭鵬題額其跋語云瑯公

南海百詠續編

卷三

三

制粵民稱之為石佛蓋古之遺愛也楹有總兵

呂孝德句云鍾長白之精英猗獐黎苗無不向

化奠中黃於磐石楚滇吳越咸被深仁論者稱

其賅切

司空題碣呂侯詩一樣攀條痛哭時始信峴山羊叔子

墮人清淚只殘碑

公正白旗漢軍開國元勛石廷柱之第四子由佐領  
轉禮部郎中出為山東臬司陞湖南藩使尋授湖南  
巡撫康熙廿八年總督兩廣三十一年奏添瓊州寶  
停營以防生黎三十五年東粵饑西粵遏糴公創為

融通之法以東鹽易西米爰有泛舟之役復設粥廠以食餓者存活甚眾會西潦盛漲南海之桑園各園紛紛崩潰公率吏役往救時狂風暴作水頭高數丈直撼隄基萬眾駭奔公跪禱崩岸水頭驟落文計隄得不潰三十九年瓊州生黎擾亂公提兵進剿斬首逆王鎮邦等而黎亂定四十一年連州排猺構亂侵及連陽一帶公察其山川剿撫兼施猺民乞撫乃於華徭交界處添築三江城調副將守之在軍歲餘染瘴臥疾 上遣使垂問 賜以藥餌是年十月初九日卒百姓巷哭罷市往奠焉

### 李威勤祠

在大東門外大街紳士建祀前兩廣總督李侍

堯者德政碑久毀門堂仍存

多事巖疆想霸才旌旗色變李臨淮民能安枕軍歸伍

刁斗無聲月滿街

公正藍旗漢軍勛臣李永芳四世孫世襲一等威勤伯乾隆二十年 廷議裁汰廣州八旗漢軍兵之半另調 京城滿州八旗兵一千五百名挈眷來廣滿漢合駐乃擢公廣州將軍以爲安撫新舊兵換防事宜公處置平允旗人感賴之二十四年坐陞兩廣總督歲大禱市粟驟昂有以平遏市價爲請者公曰是速民閉糶也乃發帑招商四出購米復懸厚值買穀填倉於是米航爭集市價大減其他濟變機謀層出不竭尤嚴於輯伍安民肇協營卒滋擾典肆辱及高要令公立斬悍卒五人槩其首於市民心貼服二十七年調浙閩民思遺愛共建是祠

牛公偶憩祠

在李威勤祠左康熙時軍標營眾感戴前副都  
統牛鈕之恩及其去也就其閱操避雨之處爲  
廟祀之題曰牛公閱操偶憩處亦棠舍餘意也  
軍容七萃閱郊垆小隊衝寒騎偶停從此棠陰生敬止  
觚稜閒對射塲青

公鑲白旗滿州康熙三十四年九月由侍衛擢廣州  
副都統撫御軍卒慈惠而嚴軍標綠旗舊額有馬兵  
三百名時奉部議裁減公與將軍拜音達禮力持不  
可咨覆兵部營眾深感之其他善政尤多三十九年  
南海百詠續編

卷三

三

去任軍人祀之廊下有斷碣自中軍守  
備孫化鵬等題名者二百有三人焉

王都堂祠

在西關荷溪之西廣民建祀前廣東巡撫王來  
任者遺愛碑奉毀祠亦廢圯居人稱其地曰都  
堂園云

萬口謹呼積痼裁十州深慶賈琮來老臣遺疏無他語  
特請天恩海禁開

公正黃旗漢軍由部郎保薦康熙四年擢廣東巡撫  
到任之日卽疏陳東省六大害一日差徭折色二日



民船徵稅三日官員採買四日藩府私抽五日州縣  
匿盜六日營役擅殺疏凡萬言皆洞切民瘼者奉  
旨允行一時強藩豪吏爲之斂手未幾臺逆盜邊  
海禁令行粵東失業者尤眾公騰章力爭謂粵地海  
多於山民以海爲命概禁其出入是迫之爲盜非計  
之得也前後五疏咸格於部議粵人稱爲王青天七  
年以望誤罷職廣民潘世祥等百餘人詣闕請留  
既至而公卒痛哭於鼓樓大街公宅前而還公有遺  
疏惟請弛海禁以甦民命會廷臣亦以爲言  
詔如所請沿海萬戶無不立廟尸祝之者今東順香  
新四邑遺  
祠尙多

### 忠襄祠

在歸德門大街忠襄里內祀明高廉兵備道謚

南海百詠續編

卷三

三五

忠襄毛吉者里因公得名祠宇廢圯今改爲紫

霞庵女尼居之矣

矢竭援亡一騎存憑將頸血報君恩裏屍自有南來革

敢以官錢巖毅魂

吉餘姚人天順時分巡高廉道成化元年新會寇警  
吉偕同知陶魯合攻大磴逐賊於雲岫山分三路截  
剿會陰雨兩隊失期吉孤軍深入爲賊所乘兵潰遇  
害逾八日始得屍貧無以爲殮驛丞余文陰以官錢  
治喪具授其餘於吉僕使爲返櫬資是夜僕發狂踞  
坐中堂作吉語曰速請夏憲長來家人走白臬司夏  
墳墳急至殯所僕起揖曰吉受國恩不幸死於賊命  
也今余文擅以官銀付吾家雖無文案可稽然吉負

垢地下矣急還官勿污我言迄仆地於是返其銀於官後賜謚忠襄奉敕建祠祀之

### 陳太保祠

在光孝街與國禪院內地卽明太子太保左都督高州鎮總兵官陳璘故居公爲一代名將功在東南歿之日官卽其故第塑像祀之國變時燬於火里人取其址爲佛屋而塑像未敢廢祀之於神座之末

羅旁雕剿最先登夜走蠻硤嶺萬層欲洗祠碑荒誕語

南海百詠續編

卷三

三

### 好將佳傳勒妖藤

璘字朝爵翁源人由行伍以軍功晉擢至高州參將從廣帥凌雲翼征羅旁峽徭匪璘爲前鋒破賊九十餘寨斬獲獨多後分十路璘由信宜進兵首破賊巢取其地置羅定州加璘總兵銜鎮守其境後遺孽復叛璘統銳卒破其石牛青水諸寨徭亂乃平相傳璘進攻老巢時溪有妖藤晝沉夜浮徭賊踏之出劫官軍逐之則高峽深溪不知賊所璘夜領死士斬斷妖藤徭不得渡遂大破之其妖藤舊藏司庫乾隆時尙存今亡矣祠碑荒誕無稽且妄捏神銜及生辰月日皆不經之談也

### 張毛兩尙書祠

在文明門外青雲橋南廣人建祀明尙書毛伯

溫總督張經者後廢圯康熙初平藩下總兵官  
許爾顯嘗修復之祠碑無存

萬里招攜具遠謨八蠻革面貢明都青雲橋畔三間屋  
寓意同他兩大夫

嘉靖時安南莫登庸之亂兵部尙書毛伯溫來廣東  
與總督張經會謀進取師出而登庸降旋軍而定思  
恩九土司及琼南生黎粵人德之建祠合祀國變時  
毀於火總兵許爾顯嘗營於其地乃修復之  
爾顯鑲白旗漢軍父許定國明睢州總兵順治二年  
率眾歸誠授一等昂邦章京爾顯世襲三等阿思哈  
哈番從平南王復粵戰功最多順治十三年陞潮州  
鎮總兵官初潮民與藩兵日相水火爾顯在鎮惟以

南海百詠續編

卷三

輯伍安民爲務號令森嚴潮民悅服十六年調任琼  
州潮人赴省籲留其呈詞有云許鎮在潮不但四民  
稱便卽每歲換防之兵弁過境各州縣深受其福云  
云潮之道府州縣各官均各申稟請留巡按張問政  
據以 上聞奉 旨許爾顯准留鎮潮  
州以慰民望事詳載於通志張問政傳內

吳八相公祠

在新城濠畔街里人建祀明義士吳八相公者  
至今香火猶盛

歸途白晝見彭生汲者聯肩嘅久晴從井救人憑一念  
從來僊佛最多情

相公不知何名紹興人明朝未建新城之時南門以外舟楫可通珠航綺寮遍繞城隅濠畔皆客寓也相公賈於粵寓前有巨井遠近皆汲食除夕相公往汲見鬼物踞井而戲怪詰之答曰吾疫神也明年大疫盛行吾散疫於井水食之必死逾七日可無患矣言訖失所在相公遂守井不去來汲者咸告以故至第七日自投井死坊人義之葬於井旁爲祠而祀之

### 兩太尉祠

在佛山鷹嘴沙鄉人建祀宋溫許兩太尉者祠宇狹陋而香火至盛俗稱臨海廟是也

死衛鄉關姓字馨客航千里往來經溪山旋抱林原美

南海百詠續編

卷三

三

### 此地真堪聚百靈

按里人龐尙鵬碑畧云佛山臨海廟祀溫許二公相傳爲閭右著姓宋末廣州亂死徙無甯宇二公獨倡大義屯兵靖難羣推爲太尉歿後鄉人不忘其義建廟祀之正統己巳黃蕭養之難鄉人禱於廟率眾禦之神默爲之佑賊斂舟去自是佛鎮偶有盜警輒禱以禦無不奏效云每歲孟春演戲賽神佑船雲屯至夏乃輟他祠鮮能及也

### 先鋒廟

在小北門內鬻橋側里人建祀宋末急腳先鋒楊四爺爺者碑云神宋末時爲裨將有國功死

之日服嶺以南咸享祀之明初邵宗愚之亂神  
率陰兵以禦賊故祭賽尤赫而祭必以犬右班  
勇爵奉之彌謹

丹荔黃蕉侑桂觴依然烹狗在東方一從齋禁沿寰宇  
斯禮幾同告朔羊

祭大夫以羊士以犬古之鄉禮也自不飲酒不茹葷  
之說興齋禁飲酒食肉矣自殺生果報之說興而牛  
犬之味不登鼎俎矣享祭舊禮猶得於  
先鋒廟見之神其守禮而通經之士哉

### 忠義流芳祠

南海百詠續編

卷三

五

在佛山祖廟西偏鎮人建祀明義士倫逸安等  
二十二人者地有盜警輒著奇應

繞市長呼萬眾從禾义魚弩挫兇鋒民知大義原無敵  
俎豆千春起懦庸

明正統十四年土寇黃蕭養犯省垣流劫至佛山義  
士等率眾擊敗之斬其偽將軍彭文俊等賊怒大集  
戰艦四面疊攻復爲義士所敗斬獲無算時有田州  
經厯曹誼者亦合鄉人保障十三鄉多殺賊徒藩使  
揭稽題請旌獎咸蒙優叙鎮人不忘其德別  
立專祠祀之今十三鄉羣呼爲忠義鄉云

### 愍義祠

在瀾石鄉嘉慶時鄉人建祀太學生霍永清者  
永清保障鄉土死難最烈總督百齡親往奠之  
題其詞曰愍義巡撫韓封題楹聯云自古皆有  
死所欲甚於生遠近榮之祈禱多靈驗

誓與逆徒不共生繡旗飛動寶刀橫黃沙血濺紅三尺  
夜化長虹貫太清

義士南海瀾石鄉人以公正見推鄉里嘉慶十四年  
海寇竊發窟及省河義士糾眾保聚立水柵砲墩以  
自衛八月賊犯瀾石義士引炬燔之賊狼狽遁盜首  
張保必欲破之聯百三十餘航繞其村誘胥舟爲內

南海百詠續編

卷三

三

應令戈船伏於隘前後夾擊會江潮盛漲鄉勇退走  
義士禁之不得乃領壯士五人向前搏戰殺賊數十  
張保用伏礮傷其膝始仆地怒詈不休賊支解之五  
壯士咸死焉村遂破焚掠至慘義士之女細姑罵賊  
死事定鄉人義之建祠於河灘塑像中坐而壯士梁  
亞近陳亞昌郭亞二張廣明鄧昭明五人亦肖像陪  
祀別爲香龕以祀細姑稱曰烈女云祠前石垣尙存  
義士之血跡風雨洗之則現青碧色至今未滅也

南海百詠續編卷四

潘陽樊 封昆吾著

後學李定源本之  
受業馮 健松齋  
受業張正 翬華堂 校刊  
姪孫樊 淙聲甫

冢墓

君臣冢

在大北門外流花橋南象岡砲台下明唐王朱  
聿鏞暨其臣蘇觀生等十五人攢葬處也粵民  
呼之為君臣冢荒壠數尺卓立於菜畦間百年

南海百詠續編

卷四

一

來耕人無敢犯之者既乏題碣又非兆域過者  
忽之予嘗與同志謀售其地築坐立碑以表之  
惜未果爾

馬血人燐作一墳宮蛙冷吠北邙曠葫蘆依樣描天水  
風雨厓門大似君

順治丙戌春明唐王朱聿鏞被執於閩其弟聿鏞航  
海奔廣州舊輔何吾騶蘇觀生布政使顧元鏡總兵  
官林察等擁立之僭號紹武稱制恢復是年十二月  
我總兵官佟養甲副將李成棟克惠州疾趨省垣令  
前驅衣明人裝飾紅帕裹首詐稱高守諒之援兵十  
五日用惠潮道印文給開大東門時聿鏞方在校場

閱射聞變與御史羅之玉易服宵遁十六日至羅岡洞謀奔肇慶十八日爲邏者所獲夜宿瓦窰村神祠內聿鏘踞地南面坐不食亦不語邏者婉勸之答曰吾明之藩王也曾稱制四方今飲汝一勺水何顏見先帝於九京哉夜起投繯死之王自殺邏者以屍獻觀生先自縊死何吾騶顧元鏡林察皆降遂斬其周益遼三王及宗屬於校場事定養甲命收聿鏘觀生之殘骸十五具攢葬乎此行者傷之封土爲壠焉

### 教門三忠墓

在流花橋北順治庚寅大城旣復回民收瘞明四衛指揮使羽鳳麒徽之浮馬成祖三人者舊碑已失通志紀其缺文蓋以死報國忠於所事

南海百詠續編

卷四

二

者也

流水桃花古道傍都人和淚葬三良諸君平日譚天理

### 媿彼兜鍪識紀綱

三人者本南京回民成化時調征排徭有功奏留廣州置四衛以安插之加指揮世職有差鳳麒字冲漢祖羽士夫馬成祖之祖名黑麻皆指揮使永麻時三人以擁戴加都督同知銜庚寅大城被圍鳳麒拒守南門晝夜罔懈及大城不守杜永和張月等將南遁有邀鳳麒走者痛斥之閉家人百口於一室禁勿出遂戎服自縊於城樓之浮及成祖亦殉家口悉被俘有都司崔應龍守備郭瑤者覩三君之義烈亦不降自刎死回人用其舊俗藁葬乎此繚以重垣築成圓壠題曰先賢古墓雖不止一骸之葬而稱賢稱忠實



因三人也

番禺屈某銘其墓曰南門乘墉自春徂冬臂爲雁翅橫絕西東公之死守敵弗克攻西關之鸞范伯不忠佛郎巨礮反擊豐隆裸身受鎗公當其衝城亡慷慨以死自雄鬪體臺上火首惟公國殤百萬於爾尊崇招魂而葬坯土中空千秋毅魄永保佗宮

### 蟻墳

在北郊柯子嶺之陽明昭勇將軍廣州右衛指揮使張翽葬焉土壠殘缺爲人侵葬殆盡相傳其子佑營葬時鼻樞至嶺而山雨大至及晴往視則萬蟻嘍土封柩成墳矣地師來占僉曰上

南海百詠續編

卷四

三

吉戒勿動佑培土成隴後貴爲副將多著戰功

西風禾黍攪涼曦四野牛羊下坂時若斧若堂叢葬處  
試捫頑蘚讀殘碑

按明史張佑傳佑爲廣州右衛指揮年十九從征裨元祖先登有功正德二年陞指揮僉事守備德慶諸徭聞之咸遁去移守惠潮擣盜魁劉文安李通寶老巢平之又剿平會甯巨賊邱區長等斬千二百級勒銘大隆山嘉靖十一年討高州賊趙林花深入多所斬獲中老疾卒則佑固一時健將墓有梁文康撰碑郡縣志均未採謹錄之以備搜訪者

明昭勇將軍廣州右衛指揮使張翽墓 華蓋殿大學士梁儲撰文

我國家重報武之功賞延於世然非始立功之祖實

有才能忠勇可以報國於其先則其子孫亦未必能世肖其德而食報於後也故昭勇將軍廣州右衛指揮使張君勗者其曾祖諱祥在洪武永樂間南征北伐百戰成功後征南夷以死勤事生嘗拜江西都指揮僉事之職歿則子孫受世襲指揮之命豈非才能忠勇可以報國而子孫食報乎是此君家始立功之祖也君之祖諱雲尚南豐郡主儀賓未襲職至其父諱應隆者始襲焉君之身復襲焉君之子名祐者復襲焉然君既襲職於成化之己亥年而遽歿於宏治之戊申歲壽纔二十七耳甚可悼也顧其平生家業素貧乏而能自守騎射素優長而能兼習文事同僚上下咸敬愛之軍功雖未見錄而恩帑亦鼎來於身後其賢可知矣祐字天祐自襲以來智名勇功著於上下初陞署指揮僉事守禦惠潮地方充右營參將復分守柳慶等處再擢副總兵鎮廣西晉都督同知功益著官益進名益顯誠可謂省祖而充宗者矣君

南海百詠續編

卷四

四

葬於番禺柯子村東坑嶺夫人王氏祔焉嘉靖三年甲申十二月廿四日孝子祐拜勒

明處士施焜然墓

在小北門外臘茶坑殘壞無碣僅存土阜耳

世爵應同國始終全家就烈幾人同荒阡嶽嶽餘生氣

風馬雲幢降鬼雄

施氏番禺人先世以軍功授指揮使世職昆季五人咸有令望庚寅大城被圍兄昭勇將軍輝然從巡按王化澄守西門城破之日巷戰以死子成基廷基皆殉季弟煒然煥然奔從桂王於肇慶為護駕將軍亦先後死於難惟焜然獨存未幾卒遺命葬於母側同邑王孝廉為墓誌以表之碑久缺泐其銘盛傳於世

銘曰國初勛庸厥有施公南從朱廖底定番禺一官  
二舍世祿允豐三百餘祀十九飛龍恩爾一衛與子  
男同子孫何德所賴祖功自宜死國天室始終九世  
昭勇將軍實忠西城困守裹瘡執弓巷戰殲敵血濺  
佗宮乃君之弟是日孺宏君念天顯忽毒填胸反戈  
難鬪憤塞蒼穹還依聖善以孝化忠有弟孺昭先罹  
鞠凶轉餉齊魯死爲鬼雄餘君爲  
子靡敢匪躬遺命附葬臘茶龍崧

### 皇朝高州鎮總兵官盧可用墓

在小北門外鹿鳴岡雲初微替石獸推殘左右  
咸爲村人盜葬僅餘尺土耳

探春無地駐吟鞭來訪盧侯舊墓田猶憶海城行殿裡

南海百詠續編

卷四

五

### 玉音親賜紫貂年

可用登州人明季從軍海上擢旅順營千總隸中軍  
李維鸞標下王申旅順兵變改隸叅將尚可喜隊內  
隨可喜巡海遇暴風舟覆與可喜抱壞舟得達趙家  
港登州水師游擊祖大弼疑爲刦盜縛送監紀太監  
高起潛鞠訊之可喜呈其號衣烙記始得白次年奉  
派巡查廣鹿島與可喜在洋面緝獲巨盜多名解交  
島帥沈世魁審辦沈故與可喜有隙誣可喜逼良爲  
盜置諸獄奏請誅之可喜惶駭乏計可用說之日公  
束髮從戎海戰十有七載父母妻子咸皆散失亦云  
勞矣今巡洋獲盜宜膺懋賞而忌功者媒致其罪必  
欲斷吾儕之首天下事尚可問哉且毛元戎何等入  
也手握兵柄身捍東陲袁崇煥一介書生因片語立  
斬纛下况吾儕末卒乎公宜自計之可喜垂泣日爲  
之奈何可用曰方今大清國延攬英豪赤心待人內

地投赴者無不量才器使公奈何以不貲之軀屈死於庸奴手耶可喜曰君計誠善然吾何敢叛可用退與守備金汝貴議曰尙公多謀罕斷吾兩人默相之可也陰自至海州泥首輸誠我太宗時駐蹕海城卽引至帳殿慰勞至再解所御貂裘以示信並訂明來歸月日可用奉命歸廣鹿出以示可喜可喜曰此天意也甲戌元且可用領親軍入中寨擒副將俞泰亮仇震等釋可喜囚引戰艦十有六略定廣鹿大小長山石城海陽五島地合大小戰船二百餘號官吏兵民一萬二千人泛洋至海城投降而我內院范文程都統陳且木預奉旨率大隊駐劄嘴紅堡以禦追師兼迎降人矣既至咸薙髮易衣冠引一覲於帳殿准用滿洲抱見禮親加詢勞可喜等感慰過望次日禮親王傳旨尙可喜暫加總鎮銜賞元狐端罩一襲上方珍品各件可用亦加叅將銜未幾晉一等阿達哈哈番後隨平

南海百詠續編

卷四

六

南王南征屢著勞績順治十二年卒於高州鎮任內因葬於此

皇朝韶州鎮總兵官田雲龍墓

在白雲山蒲礪之巔下卽蒲礪寺寺爲嶺南名

勝庚寅之役雲龍駐營寺前愛其林巒事定之

後出鏹重修廣植松篁募衲看守遂爲田氏香

火院嘗自營生壙死卽葬之

冢獸縱橫沒草萊濂泉幽咽鳩聲哀風流故將誰從問

壠畔青青試馬臺

雲龍正黃旗漢軍世秩騎都尉入粵多功充平藩下  
韶鎮總兵官與班際盛盧可用張國勛等稱爲四貴  
康熙二年往收瓊南隨都統尙之孝進剿那路寨一  
路時巨寇楊二楊三等聚兵白鶴寨以拒官軍之孝  
令廉鎮票養志海安協江起龍爲總統副將張璋爲  
應援並力攻剿雲龍首奪其鼓嘴牙山寨擒賊魁符  
德義等進抵那路生擒得廣西巨寇黃國材及廣州  
逋寇禰有通等二十名斬百六十級獲偽總兵關防  
一顆糧械無算而隊內之叅領劉文煥攻克海魚坪  
叅領李光宗張國祥亦攻克冲淪把總王應龍乘夜  
奪得大峴山釋回難民男婦千餘  
口那路一股全平論功晉一秩

### 王姑墳

在小北門外金臺嶺平南王葬其郡主處也郡

南海百詠續編

卷四

七

主許字靖藩之子耿效忠未嫁而殤葬於此

六街僊鶴舞徘徊玉碗金燈映夜臺紅遍杜鵑青遍草  
紙錢那見粉侯來

平藩葬郡主時備飭終之典一依宗藩格格例撤藩  
後內大臣尙之孝請旨來粵遷徙父兄諸殯歸葬  
海城祖塋是墓已經遷移然王  
姑墳之稱廣人至今未改也

### 皇朝懷遠將軍董心吾墓

在東郊地藏庵側殘敗特甚僅存斷碣然靈爽  
弗替村民奉爲社公以祈年焉

缺月零煙冷殞宮棠梨花放鳥西東一坯黃土千金骨  
輸與村氓作社公

心吾山東萊州人由福建水師薦擢至副將康熙二  
年從討洋寇時香山之黃梁都赤坎三灶高浪諸大  
島以及新安所屬之大溪山新寧所屬之上下兩川  
皆爲巨盜淵藪心吾同總統張國勛領舟師先克黃  
梁三灶兩島斬首逆趙劈山趙麟生等復會副將湯  
有功劉國華等分隊進剿大溪瀝源兩寨我守口佐  
領張國祥捉獲大嶼口之賊船糧石頗多游擊曹之  
捷時應運等亦攻克胡盧灣諸賊巢惟茅灣叢巒疊  
嶂礁浪最險諸賊聚而守之左有野牛塘右有蠟燭  
灣諸賊爲之應援心吾乃令把總何德勝駕拖呂船  
扼南嶼一帶防賊外竄大軍分三起進攻左隊先破  
野牛塘賊驚遁右隊亦焚蠟燭灣大巢大船順風駛  
進茅灣我兵登桅飛躍至山拋擲火毬火罐賊大駭  
竄而心吾領勁卒直撲正面砲石如雨自己至申遂  
克茅灣死者山積搜剿不留噍類次日大搜芒洲石  
笋高冠西坑茶灣北坑鮎魚諸小島殺賊三百餘將  
所有之屯寨寮船焚燬無餘泰將范明道更於野豬  
洋口截殺逃賊無算蓋自明亡海民嘯聚洲島二十  
餘載良善不能安枕至是乃剿洗之海甸澄清矣  
而心吾之功至多卒葬於此子長泰亦官於粵

### 皇朝驍騎將軍范士信墓

在東郊印子岡墓石之雕刻至精碑誌僅存生  
歿年月其官階事跡絕不紀載

亂後川原戰骨多陰厓幽閔鎖蒼蘿弓藏狗斃田廬改

只有將軍績不磨

士信海州人以從龍授都司職隸總兵班志富麾下  
庚寅之役領兵守石岡墟以防東軍而永麻遺高必  
正率戰船來往於黃埔官山門大石海口遙為聲援  
而接濟糧米也杜永和時遣其廣協副將蘇文光偽  
扮農艇晝伏夜遊以通消息士信偵知之授計於慕  
德里新降巡檢王世爵誘而擒之獲其書信軍報兩  
巨函於是敵之虛實乃得遂作水柵於沙河口及東  
濠口不幾日省糧大困城克叙功錄優等順治九年  
從征連州排猺同副將茅蕙生駐兵山陽城師久無  
功染瘴撤還以康熙辛未三月卒子可文奉葬於此  
皇朝誥贈中憲大夫程僊墓

在東郊駟馬岡西墳壠堅樸林巒秀美墓前石

南海百詠續編

卷四

九

碣雙峙左碣大書平南王禁令勿許軍人踐踏  
士卒牧馬右碣則書巡撫部院示永禁四民侵  
葬村人樵採兩表竝立望之凜然

古花幽草葬詩人語燕差池未老春雙碣冢前書特禁  
不教牛角礪麒麟

僊卽康熙時秘書院侍講中書程可則之父可則於  
順治辛卯科會試中式第一名磨勘被黜留中書劾  
力才名傾動朝野會征西將軍王進寶與平逆將軍  
趙良棟爭功互訐公奉命往山西察審勘斷得  
實復命之日奏對稱旨以道員陞用適封  
翁歿於京邸公奉柩歸葬省垣自平南王以下文

武百官咸集士論榮之墓誌銘卽大學士成克鞏撰  
茲備錄全文俾志乘有所訪採

勅封徵仕郎內秘書院誥敕中書匪凡程公墓誌銘  
少傅兼太子太傅戶部尙書保和殿內秘書國史二  
院大學士侍生成克鞏拜撰

辛丑秋中翰程君奉使青齊歸奉其尊人匪凡公至  
京道貌森然望而知爲耆德通儒越陽月三日爲公  
攬揆辰中翰之僚友同年輩行爭爲詩若文以壽公  
自念程氏自明道先生後遷居嶺南十八傳始有中  
翰以科名第一人顯中更濩落復得服官 禁廷贊

草外制則此稱觴介壽之一日非六十餘年之一日  
而十八傳之一日也夫是以色然喜又悄然悲然是  
時間關萬里撤鞅停驂筋力憊矣竟以明年正月七  
日終邸舍嗚呼悲哉公之來都也將欲覽宮闕之嵯  
峩探幽燕之名勝嘗語人曰嶺南無雪老人日所未  
覩自此薊門積玉桑乾鋪練可以收貯詩囊矣乃是

南海百詠續編

卷四

十

冬不雪易簣之明日乃雪嗟乎以登臨舒笑歲時風  
物天猶靳予之而况其身若子之遇不遇乎豈有道  
先儒如明道先生者旣以學窮其身又以學窮其後  
乎抑元氣斟酌豐彼嗇此僅能使其讀書凝道遂不  
能以榮膺兼與之乎是不可問己是歲三月中翰扶  
櫬歸葬麻墨涕泣以狀來請銘於予予忝中翰一日  
長且朝夕直廬得稔其家學所自竊知公最深遂不  
敢辭爰及葬期誌而銘以歸之按狀程氏自周大司  
馬休父封伯於程子孫遂以程爲氏漢唐五季代有  
顯人至宋爲明道伊川兩先生明道之子端懿生子  
昂當南渡時携家譜及其配邵氏避亂南雄珠璣巷  
後入廣州南海鼎安坊大同里家焉旣歿葬大同西  
樵山子孫日盛十三傳至月洲公進賢富而好禮有  
司舉於朝授冠帶鄉里賢之又一傳至少山公驥驤  
生三子仲氏雲浦公宗正著書懷古爲里塾師是生  
東垣公應庚則匪凡公所自出也東垣公聰穎富才



藝事親以孝聞乃獨短於數年二十七而歿時公方四齡寄育於文學宇參徐公家故公初以徐爲姓徐歿公制服盡哀其後爲之植繼嗣撫育成立公之報徐可謂有禮矣事母陳太君孺慕六十年弗衰其服勞奉養可謂極人情所難者自年弱冠經明行修國中子弟翕然師之有伯起康成之目當時有司如羅侯萬爵張侯國維孫侯襄汪侯運光謝侯泰宇皆名流望輩屢見賞拔督學何使君三省錄爲廣州弟子員時公年已四十可謂艱矣棘闈數戰不利而以所學傳之中翰中翰以父爲師辛卯薦鄉書壬辰舉南宮第而公視之泊如也庚子中翰爲今官遣使迎養辛丑春正月 今上登極覃恩封公如中翰官夏五月中翰殞 世祖章皇帝尊謚詔於魯齊公遇於清源舟次迎之至京越明年春而逝嗚呼悲矣公於書無所不讀著作行世皆能暢明道先生之旨又窮搜遠探百家九流無不賅且洽者爲文若柳州爲

南海百詠續編

卷四

十一

詩若淵明樂天見之合肥龔芝麓總憲所稱海內然之居恆喜怒不形時獨立空庭仰視雲際輒忻然忘倦性情樂易童豎得而親之至登臯比堂坐講幄雖貴游子弟及名諸生不稍假顏色恆指天示人曰此公耳目甚聰明記性甚長遠善惡必報無纖毫欺飾信袁了凡功過格老而彌篤蒲樗圍棋一無所好丹青花鳥間爲之不求工興盡而止少好遊里中白雲濂泉月溪諸勝時戴瓢笠獨行其中雅留心二氏內典道藏以時齋戒持誦手錄箋釋無算疾革時夢一人告曰公車騎已至寶涼山矣越日危坐而逝豈偶然哉時康熙壬寅年正月初七日距生於明萬曆癸巳年十月初三日享壽七十歲元配梁氏番禺人繼配陳氏本邑人皆有婦德先公卒公諱僊字匪凡廣州府儒學附生以子可則官受封爵長子可法早卒次子可則中式大清順治辛卯科廣東鄉試十五名壬辰會試第一名初仕內秘書院誥敕撰文中書三

可舍俱元配梁氏出孫衍祖述祖宏祖俱幼以崇禎  
癸未年十月梁陳二孺人柩偕葬於廣城東門外祖  
塋馬湟水至是康熙癸卯十月奉公柩葬于兩孺人  
舊壙之上爰爲之銘曰

南海汪洋山萃聿炎輿告靈哲人出當靖康年乾符  
軼伊洛之裔來卜室十八世孫才無匹元鏗一焰繼  
經術溯其所自民而逸褒衣博帶內行密胸貯萬卷  
時抱膝鹿門携家靜琴瑟晚來遊京塵匆匆一疾弗  
瘳永世畢有奕丹綸責皇裔潛發幽章如出日馬湟  
之陽土石栗泉宮永悶堅絲漆繩繩爲爾綿聲實

### 皇朝驍騎將軍管良忠墓

在東郊絲竹岡墓碣半殘石供器猶存

兩捷蒼梧兩突圍血花如繡滿弓衣當時也有馮征虜

南海百詠續編

卷四

三

### 倚樹無言破敵歸

良忠鑲紅旗漢軍隨平藩南征充礮營游擊所向有  
功順治九年李定國寇廣西七月初四日陷桂林定  
南王孔有德死焉十年春進逼梧州官軍不支守將  
線國安奔德慶賊順航抵肇慶分兵四掠廣甯四會  
相繼淪陷而岑溪之山賊宋國相率賊應之三水清  
遠一帶咸寇兵定國圍攻肇慶結大營於校場守將  
許爾顯率兵民乘城抵拒令良忠突圍至省乞援三  
月朔兩王親提勁旅往援平王遍閱形勢謂諸將曰  
賊以重兵綴我倘以輕騎由綿津偷渡兩日卽達省  
城我進退失据此危道也令靖王駐兵西南墟以防  
南竄靖兵甫至三水賊騎果大至殲之殆盡平王入  
守肇慶築東西兩礮臺以擊賊營賊掘地道以藏身  
我礮不能及平王令毀兩礮臺而奪賊之地道諸將  
曰礮台爲肇慶屏蔽奈何毀之平王曰賊在地道礮

不能及雖有兩臺安所用之能奪其地道不患無守也我兵果往奪賊攻其甚備地道不能得四月初八日王乃令日有能奪地道者人賞五十兩我兵爭出卒不能前王怒日今日不能奪地道兵將咸斬於是奮力爭先良忠率礮兵投以烈炬而扇以皮牌地道賊皆成灰燼騎兵復奪其龍頂山之營定國急移營五里官軍又破之賊乃退肇慶圍解論功良忠晉一秩次年定國又犯肇慶爲礮船所敗遂圍新會而良忠在事有功爲勢家所抑終於游擊加叅將銜而已

### 皇朝游擊將軍孫友明墓

在東郊駟馬岡後墓門棘枳羊矢縱橫僅餘尺

碣依稀可辨蓋子孫零替祭掃無人者也

南海百詠續編

卷四

三

爲聽憨鵬住草鞋斷碑脫字手頻揩絕憐一代助猷客  
死與牛醫狗卒儕

友明登州人充明登鎮守備從叅將尙可喜歸誠島帥聞警遣鹿島守將馬建功長山守將孫奠邦王廷瑞等率兵追捕友明斬奠邦始達海城授都司銜守金州庚寅隨定廣東陞副將順治八年同總兵郭虎往定惠州明都督薛進踞城不降官軍屯五坡驛會總兵班志富統大隊由羊蹄嶺馳至合兵進攻惠城堅峻中隔浮橋友明用竹園積砂石其中安大礮於上遙與水東門齊連夜擊之敵盛兵嚴禦而北面兵稍單總兵黃應傑引兵攻其北郭城乃克斬薛進等郭虎怒民之固守也遂屠惠城友明與牛象王俊民哈番吳志明領馬甲往定小嶺以東未附之州縣咸有功後同惠鎮王應傑駐兵郡城以防東江之寇焉

皇朝左翼鎮總兵官班志富墓

在東郊伏牛岡塚獸完好碑石巍然撤藩時柩已遷歸海州此廢壠而已而村人相戒勿殘毀蓋總兵有遺愛於民也

航海輸誠建節旄一門三世戰功高聽聲我自思良將隔歲燒痕滿廢皋

志富鑲藍旗漢軍始爲明登鎮守備崇德元年隨尙可喜歸誠授二等輕車都尉順治三年從征湖南明將郝永忠攻桂陽志富與戰於羅田龍水生擒張學禮以還晉秩總兵六年從定廣東充先行官剿定翁

南海百詠續編

卷四

十四

源一帶土寇七年大兵圍省垣志富營於雁塘安撫郡東各村堡最多惠政十年領兵攻剿潮州叛鎮郝尙久八月與鎮海將軍哈哈穆合兵十三日克潮城斬尙久及其子亮志富疾作靖王命總兵吳六奇代鎮湖城令其輿疾還省九月卒子際盛襲其阿思哈哈番世職屢著勛勞康熙中來鎮潮州撤藩後調歸京旗際盛子紹明在廣日擢副將奉調山東陞登州鎮總兵官一門貴盛功著旂常旗人中所希見者也

皇朝右翼鎮總兵官尙之廉墓

在東郊蝮蛇阨北華表石獸蕩然無存而御製豐碑巍峩雄峙其柩蓋經遷徙者

雨歇寒原唱春令七官遺塚草常青坐軍散去松楸老

贖有豐碑護百靈

之廉平南王第七子幼隨諸兄宿衛 內廷康熙二  
年擢藩下梅勒章京三年從討潮州叛鎮蘇利之廉  
領左隊八月師次赤石賊伏銳卒於牛湖官田梅壠  
以拒我師之廉同參領劉文煥搜殺盡淨十二日營  
於鷄籠山蘇利率眾來禦屯南塘埔旗甲皆赤照映  
山谷東路復有援兵以為救應於是平王居中之廉  
將左班際盛將右張夢吉為後應十三日黎明合戰  
及午遂大破之蘇利遁入碣石城官兵環而攻之克  
其內外兩城求蘇利不獲有督標馬兵李啟宏者呈  
一首級云是蘇利驗之頸有肉瘤深目黃鬚果是利  
首乃梟示城門潮州平之廉復偕副都統張昌期領  
兵收復甲子所降其日余煌陳善等墩寨賊目蘇仲  
欽亦迎降惟捷勝所之目陳耀不降大軍水陸夾攻  
於大星洋陳耀子身遁乃班師論功之廉加宮保銜

南海百詠續編

卷四

七

附錄

御製碑其碑高一丈橫四尺有奇最廩相  
承字逾三寸左滿右漢

文曰平南王下右翼總兵官左都督加贈太子少保  
謚勤恪 尚之廉碑

稽古建業驅策羣雄不吝爵賞以勸有功昭示後世  
用傳不朽所以勵眾蓋甚備也爾尚之廉性行純良  
才能稱職方冀遐齡忽焉長逝朕甚悼焉特賜祭葬  
謚曰勤恪俾勒貞珉光及泉壤國典臣忠庶其昭垂  
母數哉 康熙十一年三月廿六日立

皇朝漳州鎮總兵官張士選墓

在東郊梅花岡

孺子腸肥敢盜兵忍將金券付鯢鯨王人豈戀私恩者

萬里君門直請纓

士選字子掄鑲黃旗漢軍祖天福隨平南王航海歸誠授左都督同知僉事父貴充藩下章京士選少充王府護衛守正不阿頗不喜於世子同儕張永祥因摺差至京蒙恩垂詢海疆情形奏對稱旨賞加總兵銜遇缺陞用歸見之信之信謂其矜誇抑三缺不擢補在西園校射偶失一矢鞭之數百諸衛士咸不平士選偶語誤之信射殘其左足眾益憤康熙丁巳之信往征武宣忽有札特調士選永祥至軍二人大懼遂驀越至京告變拘繫詔獄是年九月之信伏法二人從優議叙二十九年士選陞福建漳鎮總兵卒於任與其配姚董兩夫人合葬此

尙之傑李天植等共冢

南海百詠續編

卷四

六

在西關報資寺菜圃間殘壠三尺不知誰氏題  
碣云平南親王俺達公尙之信墓遂致鈕玉樵  
輩有焚骨揚灰之邪說題詠家往往因之上誣  
國紀下誤志乘似不可以弗辯

牡蠣墻根菜甲生荒堆猶表廢藩名驚天大獄誰能判

酗酒狂言實定評

按觚賸云之信賜死於府學名宦祠前焚屍揚灰藩下官沈上達之家人鍾姓者拾其殘骸座之西園藩下人爲建佛宇題日報資謂報尙氏之德而資其冥福也其說得諸傳聞本無柄據而通志因之遂滋後

惑夫之信悖逆一死莫贖然康熙十九年 上諭  
云尙之信本應依律處斬姑念其曾受王封從寬賜  
令自盡又 上諭侍郎伊昌阿日尙之信雖經犯  
法其妻子不可凌辱可著人護送來京安置 聖恩  
高厚刑罰至公彼身尙不忍加以重辟其家屬尙加  
意保護焚屍虐刑惟秦皇太武始忍行之而謂 皇  
朝肯出此耶况二十一年內大臣尙之孝請假來廣  
迎接父兄棺柩歸葬海州夫日兄卽指之信也若云  
揚灰安有棺柩可迎耶其柩已北歸此地焉得有墓  
是不待辨而可明也大抵尙之傑李天植百有八人  
處決之後梟示通衢以靖反側其殘骸攢葬乎此土  
人呼爲尙氏墓遂題以親王銜名耳又國史明珠傳  
云二十一年五月議政王大臣會勘耿尙二逆罪大  
學士明珠奏日耿精忠罪浮於尙之信之信不過酬  
酒行兇口出妄言而已耿精忠則負恩謀反法在不  
宥讀此則之信罪案定矣蓋之信幼無良傳養成不

南海百詠續編

卷四

七

義雖經通逆而震攝天威旋卽歸正使當日無戕殺  
都統一亂竊意 帝德如天俯念厥父勤勞不過  
革爵圈禁而已焚屍揚灰豈我 朝所  
忍出哉稗史小說或出怨口不足信也

共冢

在東郊烏龍岡庚寅之役死者山積有紫衣僧  
號眞修者募人收拾以浮屠法聚而焚之埋其  
餘燼崇爲大阜表曰共冢又稱普同塋云

鬼哭宵深覓髑髏更誰麥飯奠春秋天開浩劫何須怨  
子義臣忠土一邱

番禺孝廉王鳴雷爲文祭之文詞斐美遠近傳誦文  
曰嗚呼一治一亂維天有道一死一生維人有數在  
昔尉佗南土翼翼迄於盧循降割邦域殺人盈城屍  
填溝洫甲申更姓七年討殛何辜生民再遭六極血  
濺天街螻蟻聚食飢鳥啄腸飛上城北北風牛溲堆  
積髑髏或如寶塔或如山邱便房已朽項門未枯欲  
奪其妻先殺其夫男多於女野火糊模羸老就戮少  
者爲奴老多於少野火轆轤五行共盡無智無愚無  
貴無賤同爲一區豈無同姓鬼食嫌疑生妻在傍冥  
漠未知兒尙襁褓母已生離骨無人收兒在背飢亦  
有弱婦倉猝入房暮婚晨別未拜姑嫜斷肌埋塵委  
骨埋香生不相見良友巾幗如何墓門不遠咫尺嗟  
乎悲哉黃雲浩浩蕭蕭碧草誰斂魂魄而聚比戶野  
狐鄰穴野葵塞路崢嶸荒墟白楊衰草短首號呼同  
歸鄉土回首西天勿生劫道江南庾信傷心作賦因  
而大招夫寧無禱乃招曰欲開兮天門蕪城兮隴樹  
南海百詠續編

卷四

六

寒有年月兮無瓦棺誰之哀兮露漫漫  
往復兮新壙未乾狹茲窀穸兮相安

明虎賁將軍王興墓

在河南之箕村其墓碣皇明虎賁將軍縣伯電

輝王公偕同節元配張氏一品夫人暨十五庶

夫人之墓粵人公立也天下罕見此題碣亦榮

矣哉

浮江五馬日紛爭賸水殘山孰主盟天步旣移人事舛

傷心窮島一田橫



興番禺人少爲農短小精悍智計過人羣呼爲繡花  
針明亡遂散家財收納亡命以謀恢復四方歸之初  
屯花山迨紹武被殺乃盤踞文村文村爲肇廣交界  
與新會新甯開平恩平陽春陽江六縣毗聯處萬山  
之中四鄰大洋羊腸鳥道一徑通人而刺竹陂塘交  
相間隔實百粵之天險也興築寨其中奉聿鍵之弟  
朱聿鐸爲主仍用永厯年號四出煽誘時官軍方勘  
定瓊南未暇及此一隅也順治十三年粵地大定七  
月平南王親率將佐往討之查其山川彼逸我勞乃  
分扼其運道作長圍困之相持半載王遣人招之降  
興不聽是年冬島中糧且盡興遣其子五人齎明之  
印敕合箭至大營約降平王大悅厚遣其五子歸述  
王德義興乃大集島眾諭以天命所在當革面歸順  
以甦民困是夜具衣冠舉家自焚死聿鐸亦吞腦片  
而亡全島皆降平王大義之收其燼以  
一品禮葬於此厚待其五子至通顯焉

南海百詠續編

卷四

九

明太僕寺少卿霍子衡墓

在南海石頭鄉

取義成仁粹一門鴻名彪炳壯乾坤書生但曉綱常重

豈比疆場爲報恩

子衡以中書里居明亡與故輔何吾騶等迎戴永厯  
晉秩僕少丙戌之難歸匿豪賢街寓舍我總兵佟養  
甲素耳其名使人招之降不應衣冠北謝赴鄰塘自  
沉死子應蘭應荃應芷媳梁氏徐氏區氏女大娘同  
赴水死塘爲之溢養甲聞之喟然曰忠孝乃出一門  
耶命厚殮之親表其閭曰闔門死節之家遣官護其  
八棺歸  
墓於鄉

明禮部員外郎屈士燦墓

在番禺沙亭之丙奇岡

蟻虱叢生破甲裳鼓聲死陣雲蒼丹心抱有虞淵痛

夢繞金鷄下夜郎

士燦字賁士番禺沙亭鄉人崇禎乙酉舉於鄉國變日偕弟士煌糾合十三營壯士得數千人屯於增城尋爲李成棟所破乃乞援於九江陳子壯復合攻省城不克奔梧州永明之立授中書杜永和頗忌之乃遁化州龍門島依鄧耀焉島中所集逋播臣有兩郡王一巡撫六監司知府以下數十人每晏集士燦年少居末座然遇大議必就決也故鄧耀東通陳奇策西結周金湯遠聯交趾近和臺灣皆用士燦策也及

南海百詠續編

卷四

三

聞永麻在滇與弟士煌跋跣至雲南及至授禮部員外郎上書力詆孫可望之奸丁酉八月雲南失永麻走永昌士燦追之弗及乃返粵踰復草間無所聊賴壬寅四月有自雲南來者陳述永麻流離緬甸寄跡亞哇城其酋受吳三桂之檄將護駕之松滋王及黔國公沐天波文安伯馬吉翔綏甯伯蒲縵五十餘員盡殺害之而昇永麻交吳三桂有明遂亡矣言未畢士燦哭殞地咯血不止旋殂家人葬於此

水泉

九眼井

在越井岡下趙佗稱為御泉偽漢劉龔封為玉龍泉禁民取汲宋潘美克廣州始與民共之丁伯桂令番禺時因民爭汲乃鑿巨石為九竅以覆之遂有今稱焉

健足分綱遞井華珠英玉屑浸丹砂十行厲禁埋芳草  
吠徹銀牀兩部蛙

南海百詠續編

卷四

三

平邸近在井南因禁民汲繚以墻垣藩卒守之刊條禁於井前私汲者笞四十每日分綱遞運以供藩厨嘗投珠寶人獲於其中後平王八十七乃終童顏矍鑠視聽弗衰醫者云得甘泉之力今者人居既盛洩液橫侵水味頓改一勺鹹鹵與行潦無殊矣

日泉井

在內城詩書街龍王廟神座下省志誤謂在西關青紫坊近時居民遂於路側浚一新井以當之其實非也

斗大江城浚四渠寒泉曉夕應居諸唐時便以泉名寺

考據真宜引故書

案唐地理記曰南海縣城山峻水深民不井汲都督劉巨麟始鑿四井以便民今城內之日泉井月泉井流水井乾明井卽唐時四井也魏通志謂乾明井在光孝寺流水井在觀蓮街月泉井在早亨坊日泉井在仁王寺前又輿地記云日泉去月泉不下半里每晨日出井中輒有一日影與月泉遙相輝映今已就湮矣考仁王寺唐時稱爲日泉寺實因泉得名明時毀於魏校今其故址尙在旗境爲滿洲前鋒營箭道其旁有觀音堂尙是仁王寺東院去早亨坊真不半里可相輝映若青紫坊遠在縣城外去月泉約四五里萬不能輝映也且地記明云四井皆在城日泉何由得在西郊大抵省縣志皆沿廣東新語之誤蓋明季江水漲發省垣被浸居民聞日泉沸聲羣相震恐以巨石覆之鎮以龍神遂使日泉湮沒後人求之不得遂指青紫坊以當之耳今詩書街之龍王廟固在也

南海百詠續編

卷四

三

弔碑井

在城西鐵局東縣志謂井中有古碑弔掛如筭栝狀井因得名細審視之乃花塔之基石其色鮮紅蓋東莞丹石非碑材也然井近六榕以寺碑考之斯實宋井之一

城市都非舊域疆凌空一塔魯靈光尋來八百年前井說與詩人入詠章

考六榕寺碑唐時浮圖已燬宋元祐初南海林修議  
建復之求其故址不可得造塔輒壞夢神告以舊基  
當有九井環列東西相去不逾四十五丈宣洩地氣  
塔便可成林於縣城朝天門外一里求之果得古井  
九就其舊基鋤得寶劍古鼎於是塔始成今就碑語  
在花塔左右得四古井焉塔南爲鐵局所謂弔碑井  
者可居其一塔北爲石馬槽有大井湛然千春不涸  
可居其一塔西爲新街其華光廟側有巨井深廣澄  
澈可居其一塔東爲花塔街其土地廟右有古井闔  
坊汲食又可居其一此東西南北四宋井萬無可疑  
者其他五井或沒於居廬  
墻壁間俟暇時搜訪之

### 龍起井

在西城仙羊街藏龍里內宋寶祐元年五月二

南海百詠續編

卷四

三

十六日侍讀鍾顯孫屋後古井有龍昇天時子

生取名龍起後登第貴顯井遂得名

一寸濃苔抹徑紅夜深龍氣燭遙空冰湍再嘯蠻風雨

### 泉脈真疑地肺通

乾隆三十八年癸巳五月省垣霪雨洽旬西潦盛漲  
時有滿洲鑲藍旗白佳氏居此屋夜聞井中濤聲震  
沸至曉不休未幾白雲山水陡發由沙河直注冲崩  
小北門徧灌三城而小南大東城扉爲水撼閉各坊  
衢水深六七尺萬民登城陣避災四日水方退官廨  
民廛坍塌大半事定方知井沸之由蓋泉脈下通江  
潮龍起之說  
洵不誣矣

蘇井

在西門內元妙觀通志云蘇井在眾妙堂前東坡來廣時手濬治者也李文溪集載蘇井甘冽爲名賢手澤廣帥方大琮取定林寺鐵井欄護之環勒銘贊今亡矣

精鐵銘欄跡久磨王孫絮絮滿庭莎硃沙墨沼今何在誰似知音春夢婆

井在元妙觀西偏芳冽異乎他泉乾隆初住持道人黃本純墾井旁隙地爲菜畦啟土三四尺得朽木盈南海百詠續編卷四

舌

鷄爬井

在北郊飛鵝嶺下泉味甘滑爲省泉之冠

石腹微凹玉乳懸百年神漢響涓涓是誰松下支鑪坐來試西華第一泉

古名鷄爬近人恥其不文改曰西華以便語音之轉其實不然也明天順間學士黃諫來判廣州有水癖嘗盡品諸泉以鷄爬爲最日汲

啜之復撰廣州水記傳於世其記曰予使安南還駐舟五羊汲江水飲之頗甘及來判廣州城中井水多鹹苦江隔城不得日汲居人

皆謂大北門內九眼井甘甚予乃日汲之井在粵秀山下與江水較之遠近相若復取江水用數月冬深不雨水涸江亦鹹乃復飲此井至春地氣上升水亦頗易其味因暇乃登粵秀山轉而西行憩悟性寺中東苑一井頗佳視九眼井殊勝昔達摩卓錫得之與九眼井相去百步蓋達摩泉也郡志越井岡偽劉王玉龍泉恐卽此井又鮑姑井在粵臺西南意卽此地後汲北郭洗白井頗不佳又行三里餘乃得鷄爬井郡志所未載取而試之雖九龍泰泉亦不及矣遂鑿井傍石題曰學士泉郡人遂傳其名士大夫皆取供烹茶用而是泉遂大顯廣城舊少井陸刺史始導泉百餘里蘇東坡孫龍圖亦浚二井今蘇井在元妙觀西廊嘗汲飲之亦不甚佳龍圖井在城北校場今不知何處其餘皆陸刺史所鑿也布政司堂西有井頗佳次則郡廨後井與光孝寺後古羅漢井相若今寺西廊有訶子泉傳爲羅漢井恐非是味不佳開元寺

南海百詠續編

卷四

三五

有居士泉折彥質所浚今在巡撫廳前曾親嘗之勝蘇井遠矣他如西市頭月泉草行頭日泉馬站巷流水井二處皆試之味亦不佳又有星泉在繡衣坊雙井在城北施水菴其井甚淺下有雙孔春夏溢出地上味亦平平小北門外近西一泉西禪寺有二井皆不及城中數泉嘗以廣州諸泉品之學士泉味最清美經晝夜色且不變宜居第一九龍泰泉第二蒲礪濂泉第三悟性寺泉第四雙井街施水菴井第五小北門外泉第六洗白井第七九眼井第八居士泉第九外是固不足取布政司及郡廨二井頗勝他處宜居第十而蘇井五眼井羅漢訶子日泉月泉書院井固有名當時而優劣難逃公論也因著廣州水記

九龍井

在白雲山巔石窟幽悶寒濺如銀其味甘滑相

傳歲旱時老衲見童子九人相戲泉口就而察之無有也驚以爲神掬其水以祈禱甘霖大霑遂號龍泉云開士結茆居其上亦號龍泉庵焉

虎跑千春浪得名九龍神幻下瑤京靈源自被天皇寵三十六番雨穗城

白雲之西舊有虎跑泉水近涸矣乾隆丙午省垣一春無雨至七月而旱尤甚民大饑有司靡神不宗訖無所應最後來井祈水爲壇禱於東郊甘霖叠降四野霑足總督孫士毅以其事上聞奉 敕特建龍神廟於井上以答神庥 御書靈泉昭貺四字勒石泉北以爲祈禱之貞符焉今白雲龍神廟卽舊日之龍泉庵也

### 紫姑井

在西樵九龍祠厓子坑下前後兩井深不三尺然遇山雨輒生雲煙舊不甚顯近時取以祈雨頗著靈異

二樵嵐靄遠相望遇合機緣久自彰博得紅丁黃女口恩光不讓馬頭孃

井之靈異不著於時紫姑亦未知何仙道光壬午阮文達帥粵時逾春不雨田禾枯死公仿董子繁露之



術以事祈禱訖無所驗後用屬官語遣員詣紫姑井  
虔乞并華歸禱於壇遂蒙澤降公爲文酬祭建祠山  
中以祀紫姑世始知之然宋代李昉英遊西樵詩已  
有印石尙存烏利跡問誰能識紫姑仙之句是紫姑  
在南宋時已  
見諸題詠矣

### 蘭湖

在大北門內匯納北關諸渠水以出天關俗呼  
爲大坑明季四衛回兵之小校場也近時民居  
稠密盡占爲室廬水潦大降將無以渟瀦而爲

### 民害矣

南海百詠續編

卷四

七

輒碧吹成細縠紋古時蘭蕙尙清芬市朝可變泉難改  
積潦通濠到此分

天順時有居民周姓鋤土得古甌上刻句云芝蘭生  
幽林無人常自芳君子處階前明德惟馨香游魚勃  
置羅好鳥名鴛鴦微風動林岸此心共迴翔其下文  
缺斷無存人方知此地卽古芝蘭湖也通志不察地  
勢誤謂在雙井街村人遂題雙井街門曰蘭湖里亦  
可嗤也考譚清海六脈渠說明云大北一渠水繞法  
性寺後瀦於蘭湖由天濠水關以出海其說明指城  
內之大坑爲古之蘭湖矣蓋古法性寺卽今光孝寺  
寺後尙名盤福里盤福卽蘭湖之訛音其蹤跡與六  
脈渠說吻合若雙井街遠在城外帽峯脚居天關之  
下地勢旣高必不能瀦  
水可審諸目驗者也

乾隆間金川用兵每以雲梯致勝因命各駐防八旗仿照香山健銳營雲梯樣式築礮學習將軍善德建堅礮於湖濬城隅飭兵訓練未幾停止今礮樓尙雄立也

### 紅蓮塘

在北城天濠街漢軍鑲紅鑲藍旗協領署內方塘二畝澄泓不竭朱荷萬柄不植自生相傳庚寅之役有貞婦某襁負孤兒殉烈此塘其後遂生蓮深紅綠萼與他芙蓉異街東有白蓮塘若雜以朱藕輒枯萎亦靈蹟也

### 南海百詠續編

#### 卷四

三

披髮沈潭面若霞孤兒在背妾無家繞塘莫種同心草  
看此驚天血性花

乾隆五十年協領宋起鳳欲窮其跡辱水至底絕無藕根泥淖中露銅佛首其大不知凡幾有紫氣從佛口出宋驚而止未幾卒子女歿者數人遂相戒無再觸犯

### 寶石橋

在古葑洲東偽漢劉鋹命黥徒採礪山之石跨湖爲橋以通花藥仙洲者也其石光潔若玉長丈有六橫三尺厚二尺平列如砥今僅七片俗

呼爲七塊石寰宇橋梁鮮此巨製車轍馬足千載猶新題詠家號之爲寶石橋云

雨歇氤氳霸跡荒江花空解念劉郎笑他七石虛稱寶不化長虹渡汴梁

據南征錄及稗珠考之今省垣之仙湖街清源巷以迄九曜坊觀蓮街西湖街皆當日劉氏之御湖也中有三山縹緲紫曳近粵秀之麓復有花葑洲以聚方士北爲寶石橋以通御駕南爲仙童橋以便四民其餘則汪洋億頃環以犀株亦盛境也今仙童橋亦巨石駕列與寶石無異其材畧小亦當年故物惟仙童之稱起於金花小娘偽漢時尙無其名亦云寶石耳

果橋

在內城南濠街城垣下爲大古渠出水之總口俗呼大水關石欄月洞雄麗廣潤爲三城旱橋之冠上跨城樓卽宋代之共樂樓也通志以此橋爲歸德門之迎恩橋而以城之麗譙當共樂樓誤矣康熙庚申嘗修復之今橋有碑載讀其文乃知 國初尙通舟楫歌航酒舫盛夫春秋碧海揚塵曷勝浩歎

月洗雕欄咽暗潮當年畫舫載笙簫而今空漲龍舟水

誰泛春紅問果橋

康熙時平王大修城垣藩下都統王國棟兩翼梅勒章京尚之璋甯天植等倡治是橋但碑石露立風雨剝蝕字難辯識因捫錄原文以備金石採訪其文曰竊以銘山標柱伏波功烈常存綵筆題橋司馬風流宛在是故晉勒峴碑後世咸歌叔子漢稱花縣斯時猶識安仁至若雲山聳翠上出重霄珠海澄波下臨蛟室花枝水面成珠玉雁影天邊排字篇章難擬風雲茲有穗石西隅成樓壁立之下高築水關一橋蓋為海內名區會城勝跡畫船自古香扇傳今一派細流通城引港瑞草連霞晝泛淪漪宵函皓魄龍駒襍還之場鸞地何興邦劉君可謂南服金湯時既久于以傾頽

南海百詠續編

卷四

三

公餘退食之暇與應科張君

長公文達

獎

勸一時同事色喜忻然捐貲營建

於是卜

吉鳩工乃越三月而大橋煥然於古道

哉百

年盛舉端有賴於表揚抑亦曠典一時允宜勒諸金石

立德立功而並尚水雲水月以偕長萬戶同瞻千秋

在望將謂砥柱乎中流自是勳垂於不朽云爾康熙庚申孟

夏立石

文溪橋

在內城長塘街北為六脈渠出水之一口

滄桑閱劫幾千秋賸此淪瀾一派流回憶當年忠簡宅

誅茆說已跨溪頭

案文溪源出白雲山之滴水巖下注爲流杯池沿溪而南經上下兩塘村斜繞粵秀峯迤而入於東濠宋開慶元年知州謝子強於粵秀之左築堰以蓄文溪之水而灌漑州後平地南開小竇以泄於濠李忠簡昂英卜居溪上自號文溪時讀書於海珠上去居宅不遠以地勢計之當是今小南門外慈度寺前後與長塘街僅隔一垣耳謂此橋爲宋之文溪橋別無可疑者通志從之是矣南海志因見文溪之水不能直穿小北水關由皇華塘直下東濠遂譏其失不知明代合築三城文溪尙穿城南入東濠今小北門城牆尙有月洞門舊跡也成化間議鑿北濠太監陳瑄以白雲地脈關繫闔省不宜鋤斷惟鑿東濠二百六十五丈深丈六尺於是斜引文溪之水不使貫城東而紆迴直入海矣此人事變遷非文溪故道也

### 上古橋

南海百詠續編

卷四

三

在內城西濠街上古里爲六脈渠出水之一口

橋已無存故址近古仁王寺有龍王廟鎮之向

來談六脈渠者僅據保甲片言謂六渠已湮其

一但存五脈而已省縣志因之殊可笑也

積潦排通六脈清圖經詳述本分明探源客自忘窮巷

賴有殘橋上古名

六渠宣洩爲地方要政而居廛鱗次占渠爲屋搜考頗不易嘉慶時藩使康茂園大浚六渠其人精於地學者也誤以藩署爲省垣中宮位強分六脈水仍不通於是詳報大憲謂當時尙缺其一以俟異日補浚

當時無敢非之者趙笛樓縮藩時總浚內外城濠渠於五脈之外加浚五脈謂之十脈通志採之遂牢不可破惟明譚清海六渠議最得其實其論正西門一脈云由光孝街至詩書街繞古仁王寺出西濠以入於海所謂仁王寺者即今滿洲八旗前鋒營箭道其前則上古里下有水關以通西濠俗名小水關是也西門一脈既清則六渠可備矣嘗爲

六脈渠說以質諸浚渠之君子焉  
隨龍大水宜分不宜回抱者也正西門一脈由草行頭起出光孝街詩書街匯大石街諸小渠遶龍王廟而出上古橋外即白糖會館入於西濠出海歸德門一脈由豆付巷起出擢甲里匯西門大街及光塔街諸小渠南入南濠街果橋下外即王婆欄入於南濠以出海大北門一脈由越井岡起南下白蓮塘西匯蘭湖至同子營出水關橋入海此旗地之三渠也小北門一脈由粵秀山左起出雙槐洞丹桂里過狀元

南海百詠續編

卷四

三

橋滙合各小渠遶五桂廟而出銅關外納白雲文溪順東濠出海此亦隨龍大水不同顧大城者小南一脈由雅荷塘起穿仁和里出倉邊街滙各小渠繞東岳廟直下長塘街至賢思里復古廟下而出暗竇口外即文德里入於清水濠出海大南一脈由古藥洲起出寶石橋清風橋流水井至九曜坊滙龍藏街各小渠穿仙童橋下外即南勝里入於南護濠出海此民地之三渠也蓋六渠大勢自撫署視之大北一脈乾位小北一脈艮位小南一脈巽位大南一脈坤位四大水口合乎堪輿外兩渠迂迴交滙於明堂前天然位置不可附會者也歷來談渠脈皆略於上古橋一脈出水之口故詳及之

